

四庫全書

集部

欽定四庫全書

集部

四六標準

目錄
卷一

詳校官庶吉士_臣何道沖

主事_臣呂震棟覆勘

總校官進士_臣繆琪

校對官助教_臣羅萬選

謄錄監生_臣郭坦

欽定四庫全書

集部四

四六標準

別集類三 宋

提要

臣等謹按四六標準提要四十卷宋李劉撰
明孫雲翼箋釋劉字公甫崇仁人嘉定七年
進士歷官寶章閣待制雲翼有橘山四六箋
注已著錄劉平生無他事可述惟以儷語為
專門所著有類藁續類藁梅亭四六今皆未

見此本乃其門人羅逢吉所編以劉初年館
何異家及在湖南蜀中所作彙為一集題曰
標準蓋門弟子尊師之詞也凡分七十一目
共一千九十六首自六代以來箋啓即多駢
偶然其時文體皆然非以是別為一格也至
宋而歲時通候仕官遷除吉凶慶弔無一事
不用啓無一人不用啓其啓必以四六遂於
四六之內別有專門南渡之始古法猶存孫

覲汪藻諸人名篇不乏迨劉晚出惟以流麗
穩貼為宗無復前人之典重沿波不返遂變
為類書之外編公牘之副本而冗濫極矣然
劉之所作頗為隸事親切措詞明暢在彼法
之中猶為寸有所長故舊本流傳至今猶在
錄而存之見文章之中有此一體為別派別
派之中有此一人為名家亦足以觀風會之
升降也至雲翼之注蕪雅特甚然亦有足備

考證者舊本所載亦姑附存焉乾隆四十三年六月恭校上

總纂官

臣

紀昀

臣

陸錫熊

臣

孫士毅

總校官

臣

陸費

墀

欽定四庫全書

集部四

四六標準目錄

別集類三

宋

卷一

言時政

贊見

卷二

論事

卷三

薦舉

卷四

舉科目

謝座主

卷五

謝到任

謝解任

卷六

通交代

卷七

謝除授

內除

卷八

謝除授

外除

卷九

謝辟置

舉自代

宣賜

被召

卷十

進職

轉官

改官

宮觀

致仕

卷十一

雜謝

卷十二

謝惠詩文

卷十三

謝及第

謝科舉

卷十四

生辰

婚姻

卷十五

師傅

封爵附

宰相

卷十六

參政

樞密

卷十七

中堂

史掖

六部

臺諫

卷十八

寺監

學官

宮教

卷十九

六院

架閣

卷二十

制帥

經畧

卷二十一

安撫 帥守附

卷二十二

總領

卷二十三

都大

提舶

卷二十四

漕使

卷二十五

憲使

卷二十六

倉使

宋正

卷二十七

太守上

卷二十八

太守下

卷二十九

倅

卷三十

諸司屬官

卷三十一

教官

卷三十二

州官

武官

寄居官

卷三十三

宰

卷三十四

丞

卷三十五

簿

卷三十六

尉

卷三十七

監官

卷三十八

學職

進士

卷三十九

賀正

卷四十

賀冬

欽定四庫全書

四六標準卷一

宋李劉撰

言時政

上史丞相

嘉定丙子○宋史寧宗紀嘉定元年以

史本傳彌遠字同叔浩之子寧宗崩擁立理宗拜
太師左丞相兼樞密使進封會稽郡王卒追封衛
王諡忠獻初彌遠既誅韓侂胄相寧宗十有七年
迨寧宗崩廢濟王非寧宗意立理宗又獨相九年
擅權用事專任儉壬理宗德其立已之功不思社
稷大計雖臺諫言其姦惡弗恤也彌遠死寵渥猶
優其子孫厥後為製碑銘以公忠翊運定策元勲
題其首濟王不得其死識者羣起而論之而彌遠

反用李知孝梁成大等以為鷹犬於是一時君子貶竄斥逐不遺餘力云○元李有古杭雜記云溫陵呂中作國史要略謂南渡之後一壞於紹興之檜再壞於開禧之韓三壞於嘉定之史愚亦謂理宗四十年在御一壞於嵩之再壞於大全三壞於似道也相之壞國如此哉

索長安之米擬就辟書

漢書東方朔傳臣言可用幸異其禮不可用罷之無令但索長

安米上大笑因使待詔金馬門山谷詩公車徒詔老恢諧饑來索米長安街漢自詔舉之外其府寺郡國屬吏皆令自辟左雄疏吏職滿歲宰府州郡乃得辟舉晉書魏舒傳陳留周震屢為諸府所辟辟書既下公輒喪亡僉號震為殺公掾阮籍傳太尉將濟問其有雋才而辟之籍詣都亭奏記曰開府之日人人自以為掾屬辟書始下而下走為首徐氏曰公府辟命自西京則然東漢之世公卿尤以辟士相高卓茂習詩禮為通儒而辟丞

相府蔡邕博學好詞章而辟司徒橋玄府周舉博學洽聞為儒者宗而辟司徒李郃府又有五府交辟如黃瓊者四府並命如陳紀者一洗末世苟合之風矣宋史選舉志宋初內外小職任長吏得自奏辟熙寧間悉罷歸選部然處要職任尋又立專法聽舉於是辟置不能全廢也唐曹松詩辟書來幾日遂喜就嘉招張籍詩辟書遠到開呈客公服新成著謝恩

伏光範之門尚干賓謁

王介甫詩辟書今日看君去
唐光範門在大明宮舍元殿西舊唐書廣德二年郭子儀於都省領副元帥事宰臣百寮自光範門送至省門杜氏通典公主受冊設冊案便次於光範門韓文謹伏光範門再拜獻書柳文僕時通籍光範門舍元殿賦賦隣光範之揭揭謁於歇切說文白也爾雅請也告也曲禮問士之子長曰能典謁矣幼曰未能典謁也注謁請也謂能擯贊出入以事請告也左傳唯我鄭國之有請謁焉注謁告也增韻訪也請見也漢書謁歸謂請歸袁盎

傳上謁注若今通名也史記酈生踵軍門上謁按劔叱使者使者懼而失謁跪拾謁還走入報特有惓

惓之意

劉向傳惓惓之義司馬遷傳惓惓之忠注惓惓忠謹之意亦作卷賈捐之傳敢冒死竭卷卷朱

浮傳臣浮愚
隨不勝惓惓

未敢察察而言

韻會察察過詳貌老子俗人察察又其政察察注察

察急且疾也漢書五行志不敢察察言注不敢察察明言之夏侯勝傳惡察察言師古曰察謂計謀不敢明顯言之也屈原漁父篇安能以身之察察受物之汶汶者乎後漢書尹敏傳何為察察而過斯患乎輒以

萬分

莊子今於道秋毫之端萬分未得處一焉又其存之國也無萬分之一戰國策故纏牽於事萬分之

一也張釋之傳有如萬分一谷永傳不足以報塞萬分李尋傳庶幾萬分有一可采蕭望之傳奉萬分之一楊雄劇秦美新雖未究萬分之一亦臣之極思也黃瓊傳庶有萬分無恨三泉鄭興傳留聽少察以助萬分桓榮

傳補益萬分杜密傳不亦萬分之一乎柳文苟有輔萬分之一雖死無憾

寫之四六

柳文駢四儷六

錦心繡口盧氏記四六之作起自徐庾雲莊四六餘語云帝王之制備載乎書典謨訓詰誓命之文多以四字為句惟鮮對偶後之制詰問以六字而以四字成聯者亦多賦者古詩之流今則四六矣詩三百篇其間長短句固無幾四者殆四六之所祖陳後山詩四六老能工韓子蒼答曾公衮啓舊知四六之工彌起再三之歎

儀圖愛助此周人待山甫之情

詩人亦有言德輶如毛民鮮克舉之我儀圖之

仲山甫舉之愛莫助之鄭玄云儀匹也人之言云德甚輕然而衆人寡能獨舉之以行者言政事易耳而人不能行者無其志也我與倫匹圖之而未能為也愛惜也仲山甫獨能舉此德而行之惜乎莫能助之者

俞

受敷施亦虞舜舉皋陶之意

尚書俞受敷施九德咸事俊乂在官孔傳俞和也能

合受三六之德而用之以布施政教他無求者公幸聽之竊惟國家閒暇

之時

東坡答試館職人啓國家求賢之道必於閑暇無事之時賢者報國之功乃在緩急有為之際當

思文武久長之術

陸賈傳賈時時前說詩書高帝罵之曰乃公居馬上得之安事詩書賈曰

馬上得之寧可以馬上治乎且湯武逆取而以順守之文武竝用長久之術也況外夷之雲擾

長楊賦豪俊麋沸雲擾漢書敘傳天下雲擾注言盜賊擾亂如雲而起赤伏符曰四夷雲擾龍鬬於野杜篤傳海內雲擾諸夏滅微晉陽貴內治之日嚴詩序天保以

秋天子蒙塵四方雲擾

以下治外尚書詎云行李之通

左傳行李之往來韻會舉要云昭十三年行李

日嚴祇敬六德

之命注使人也國語行理以節逆之周禮小行人孔鼂

注亦作李漢天文志騎官左角曰理史記天官書作李

蓋古文理與李通管子大理皆作李李濟翁資暇集謂
李為古文使字改行李為行使誤矣宋方勺泊宅編云
世言行李杜預云使人也唐李濟翁曰當作行使余按
史記臯陶為大理一本作大李天官書熒惑為李注云
外則理兵內則理政又黃帝有理法一篇注李者法官
之號總兵刑故名李法北史敘傳李氏為堯之理官因
為氏後改為李則與理其義自通蓋人將有遠行必先
治裝如孟子之言治任鄭當時之言治行理亦治也○
按宋史寧宗開禧三年韓侂胄誅後以許奕為金國通
問使嘉定元年金人歸大散關及濠州遣使來賀瑞慶
節金主殂命曾從龍使金弔祭遣宇文紹彭使金賀即
位二年金遣費摩正來告哀遣俞應符賀金主生辰遣
費培使金賀正旦三年遣黃中賀金主生辰四年遣余
嶸賀金主生辰是年金國有難賀生辰使不至五年遣
傅誠賀金主生辰六年遣董居誼賀金主生辰遣真德
秀賀金主即位會金國亂不至而還七年金國來賀歲

幣真德秀奏罷歲幣八年遣丁燦賀金主生辰
九年遣留筠賀金主生辰所謂行李之通也
可緩苞

桑之慮

易其亡其亡繫於苞桑疏苞本也凡物繫於桑之苞本則堅固也若能其亡其亡以自戒慎則

有繫於苞桑之固

國虛難動民困易搖豈待謀國之數公知諱

用兵之兩字

宋名臣言行錄熙寧初富弼再相神宗首問邊事公曰臣愚以為首當推恩惠布德

澤二十年未可道著用兵二字上問所當先如何公曰阜安宇內為先

然能應則乃可謂

定故欲翕者未始不張

老子將欲翕之必固張之

今徒千里而畏人

未思四境之不治一氣先竭百為弗開

尚書至於百為大不克開羣

材付之乍佞以乍賢

王尊傳尊之身三期之間乍佞乍賢

正論聽其自鳴

而自息

東坡集譬之候蟲時鳴自鳴自己何足為損益

耳目之受既狹心腹之

委亦偏為赤子為龍蛇未始得敵情之實

韓文以武則忿而憾以思

則肆而橫一以為赤子一以為龍蛇

以皮幣以犬馬但云量事力之宜軍

籍既隱於蔽蒙將材又阨於媚嫉舟師未練馬政不修

鑿斯池築斯城豈可無九攻之具

呂氏春秋公輸般為高雲梯攻宋墨子設

為守宋之備般九攻之墨子九卻之高適詩雲雷隨九攻

鍛乃戈礪乃刃孰能遏再

鼓之衰

尚書鍛乃戈矛礪乃鋒刃左傳云戰勇氣也一鼓作氣再而衰三而竭

仰而思之

無非事者上作而下不應朝廷每有是言

東坡策別云天下之禍莫

大於上作而下不應其患起於天子無同憂患之臣而將軍無腹心之士一有緩急將誰為之倡哉外呼

而內不聞郡國亦為此論惟事事備乃可無患尚書惟

其有備有言人人殊何以成功封禪書方士言封禪人

數言人殊周得上漢得中策將安出匈奴傳王莽拜十二

匈奴莽將嚴尤諫曰臣聞匈奴為害所從來久矣未聞上世有必征之者也後世三家周秦漢征之然皆未有

得上策者也周得中策蠡治內種治外責恐宜分越語

漢得下策秦無策焉蠡治內種治外責恐宜分范蠡

曰四封之內百姓之事蠡不如種也四封之外敵國之制立斷之事種亦不如蠡也越絕書種躬正內蠡出治外內不煩濁外無不得臣主同心遂霸越邦東坡策略越之滅吳以內外不相擾是以能有所立范蠡治外凡

四封之外所以待吳者種不知也大夫種治內凡四封之內所以富國強兵者蠡不知也二人者各專其能各致其力是以**試考先朝立四總管之謀**隋書韋世康傳時天下唯置四

不勞而滅吳大總管并揚益三州竝親王臨統唯荊州委於世康時論以為美中興會要總管自魏始歷代沿革不常宋慶曆七年析河北四路各置都總管一員建炎元年李綱言守備當於沿江沿淮沿河置帥府要郡以控扼其帥府文臣一員帶安撫使馬步軍都總管武臣一員充副總管改路分為副總管路鈐轄為副鈐轄州鈐轄為副都監遇朝廷起兵則副總管為帥副鈐轄都監各以兵從出聽其節制**及觀諸儒分三大鎮之說**淮南齊三鎮謂壽陽盱眙淮陰元魏高閭曰三鎮淮南之本原魏了翁傳了翁轉對論江淮襄蜀當分為四重鎮擇人以任虛心以聽假**皆欲取之人望**以事權資以財用為聯絡守禦之計

李膺傳雖匱人望內含秘願盧植

從而假以事權

宋史魏了

傳了翁轉對論江淮襄蜀當分為四大鎮擇人以一任虛心以聽假以事權資以財用此蓋出其緒論云一

用孔明陸遜之規模

蜀志諸葛亮傳亮外連東吳內平南越立法施度整理戎旅工械技

巧物究其極科教嚴明賞罰必信無惡不懲無善不顯至於吏不容奸人懷自厲道不拾遺強不侵弱風化肅然也吳志陸遜傳評曰劉備天下稱雄一世所憚陸遜春秋方壯威名未著摧而克之罔不如志予既竒遜之謀略又歎權之識才所以濟大事也又曰力行晁錯克

國之議論

漢書晁錯傳錯言守邊備塞勸農力本當世急務二事詔舉賢良文學士錯在選中上親

策之對策者百餘人唯錯為高第趙克國傳克國上屯田奏留屯得十二便出兵失十二利克國奏每上輒下

公卿議臣初是充國計者什三中什五最後十八有詔
諸前言不便者皆頓首服朝廷每有四夷大議常與參
兵謀問籌策焉移江上之屯於淮上實關表之粟如關中使權

守禦之方漸講招懷之略

袁安傳光武招懷南虜

衆犬方狺則格

天回照

狺疑斤切本作狺說文狺犬吠聲或作狺宋玉九辯豈不鬱陶而思君兮君之門九重猛犬狺

狺而迎吠兮關梁閉而不通趙壹刺世嫉邪賦欲竭誠而盡忠路盡險而靡緣九重既不可啓又羣犬之狺狺杜詩折折國多狗柳文狺狺嘯呼曹植上疏求存問親戚曰葵藿之傾葉太陽雖不為之回光然向之者誠也

兩虎既傷則取亂侮亡

既傷微本誤作共關戰國策陳軫曰有兩虎爭人而關管莊子

將刺之管與止之曰虎者戾蟲人者甘餌今兩虎爭人而關小者必死大者必傷子待傷虎而刺之則是一舉

而兼兩虎也無刺一虎之勞而有刺兩虎之名史記莊
子欲刺虎館豎子止之曰兩虎方且食牛食甘必爭爭
則必鬪鬪則大者傷小者死從傷而刺之一舉必有兩
虎之名又趙奢傳如虎鬪於穴中將勇者勝蘭相如傳
如兩虎共鬪勢不俱生春申君傳兩虎相與鬪而驚夫
受其弊寇恂傳天下未定兩虎安得私鬪尚書兼弱攻
昧取亂
侮已
是為屈羣策以共圖
揚子法言漢屈羣策羣策屈羣力
奚至無

寸功之可論

李廣傳自漢征匈奴廣未嘗不在其中然終無尺寸之功以封侯何也杜詩從軍十

年餘能無分寸功

與其待一朝之患始出於茲孰若折千里之

衝早為之所

家語不出尊俎之間折衝千里之外賈復傳有折衝千里之威馬融傳帝王之所以

耀神武而折遐衝者也左傳不如早為之所無使滋蔓蔓難圖也

若任人而疑疑人而

任

陸宣公奏議凡欲選任將帥必先考察行能疑者不使使者不疑李石傳贊任人不疑得親親用賢之道

則聞事不實實事不聞

新唐書陸贄傳任者不必才才者不必任聞不必實實不必聞

所信不必誠所誠不必信行不必當當不必行程史秦檜既死高宗詔湯鵬舉執法殿中選人任盡言以啓賀之曰請言有宋之姦臣無若亡秦之巨蠹忠臣不用而用臣不忠實事不聞而聞事不實忠憤扼腕智識寒心

何怪草野之私言

韓非子慮事廣肆則曰草野而倨侮

動違槐棘之成算

周禮左九棘孤卿大夫位馬面三槐三公位焉注樹棘以為位者取其赤心而外刺象以赤心三刺也槐之言懷也懷來人於此欲與之謀

日月逝矣風雨萃之

柳宗元弔樂毅文大夏之騫兮風雨

萃之車亡其軸

無謂天變不足慮人言不足從

宋史王安石傳

安石傳經義出己意辯論衆不能訕甚者謂天變不足畏祖宗不足法人言不足恤淳祐改元理宗幸太學御筆云王安石謂天命不足畏云云此三語為萬世之罪人豈宜從祀孔子合削去以正人心息邪說東坡擬進士對御試策云詩書所稱不可勝言所可知者必畏天必從衆必法祖宗未嘗言天命不足畏衆言不足從祖宗之法不足用也蓋指安石

庶幾君子有所恃小人有所畏

東坡祭歐陽文

忠公文民有父母國有著龜斯文有傳學者有師君子有所恃而不恐小有所畏而不為恭惟某

官

韻會某者未定之位宅也凡不知名者皆言某穀梁傳范甯注鄧某地陸德明釋文曰不知其國故云某

地今知其為何官矣而亦云某官者如尚書云元孫某禮記云孝王某蓋指其官而省文云爾

堪輿間

氣

漢書藝文志堪輿金匱十四卷許慎云堪輿地道也甘泉賦屬堪輿以壁壘兮張晏曰堪輿天地總

名也春秋演孔圖正氣為帝間氣為臣王堂遺範韓弘
制天毓間氣時推上材楊矩行韓建制星緯炳靈山河
間氣王摩詰詩入用還推間氣賢楊巨源詩間氣登三
事又廟謨膺間氣劉真卿詩間氣生真宰又大才生間
氣王文公集受天
社稷世臣蕭望之傳望之堂堂折而
間氣為世元龜不撓輔佐之能近古社稷

臣也汲黯傳古有社稷
之臣至如汲黯近之矣砥柱不移回平原黃河之決陝

志砥柱山一名三門山南曰鬼門中曰神門北曰人門
水經注昔禹治洪水山陵當水者鑿之故破山以通河
河水下流包山而過山見水中若柱然故曰砥柱也宋
唐譽之昨夢錄云白馬之西即砥柱也水常高柱數尺
方河怒為柱所扼力與石鬪晝夜有聲如雷震議者欲
鑿柱以殺河之怒石堅終不能就山谷詩河從天來砥
柱立呂氏春秋古龍門未闢呂梁未發河出孟門大溢
逆流無有邱陵沃衍平原高阜盡滅之名曰洪水漢書

黃河如帶物理論河色黃赤衆川之流蓋濁之也終風爾雅河出崑崙墟色白所渠并千七百一川色黃

且曠洗咸池白日之光

曠音縊詩終風且曠不日有曠終風

海經東南海之外甘水之間羲和之國有女子名曰羲和方日浴于甘淵羲和者帝俊之妻生十日郭璞注羲和蓋天地始生主日月者也故堯因此而立羲和之官淮南子曰出於暘谷浴於咸池呂溫狄梁公立廬陵王傳讚取日虞淵洗光咸池潛授五龍力調更化琴瑟之夾之以飛黃山谷詩咸池浴日月

絃董仲舒傳竊譬之琴瑟不調甚者必解而更張之乃可鼓也為政而不行甚者必變而更化之乃可理也

復享和戎金石之樂

左傳鄭人賂晉侯以歌鐘二肆及其鐸鐘女樂二八晉侯以樂之半

賜魏絳曰子教寡人和諸戎狄以正諸華八年之中九合諸侯如樂之和無所不諧請與子樂之魏絳於是乎

始有金如將道古今而譽德韓文才峻滿前道古今石之樂而譽盛德入耳而不煩亦

可紀簡策以垂功然太師維垣輔隆興不滿一歲詩人維

藩太師維垣注太師三公也垣牆也彌遠父浩隆興元年拜右僕射兼樞密使五月除知紹興不拜淳熙五年

復右僕射今西平有子相嘉定行且十年柳文蔡人率止惟

子惟我有臣彌遠嘉定此非門戶之私榮晉書郝鑒傳

元年入相至此九年弟孫盛傳自是關君門戶事南史王曇首傳門戶何寄

王訓傳是興門戶者陸慧曉傳顧琛一公兩掾英英門戶王與傳百年實負乾坤之重寄用藥莫先於無病東

門戶宜思後計志林節慎在未病之前止車當在於未奔法言或曰奔

而服藥在已病之後壘之車沉流

之航可乎曰否或曰馬

相亦惟終

尚書自周有終相亦惟終孔傳君臣用忠

用智曰用智於未奔沉

信有邦其無數

尚書萬邦惟無數孔傳萬國惟乃無數我周德

如某者拙由地

稟猶不時宜獨竊考治亂之原知當謹幾微之會貧賤

不能以達志憂患又從而熏心

詩憂心如熏東坡集積憂熏心

昔在服

中欲上范文正之書而無路

涑水紀聞范文正公服中宰相書言朝政得失及

民間利病凡萬餘言王曾見而偉之時晏殊亦在京師

薦一人為館職曾謂殊曰公知范仲淹舍不薦而薦斯

人乎已為公置不行宜更薦仲淹也殊從之范文正公

集上執政書某居親之喪上書言事踰越典禮取笑天

下豈欲動聖賢之知為身名之計乎某謂居喪越禮有

誅無赦豈足動聖賢之知耶矧親安之時官小祿薄今

親亡矣縱使異日授一美衣對一盛饌尚當泣感風樹
憂思無窮豈今几筵之下可為身名之計乎蓋聞忠孝
者天下之大本孝不逮矣忠可
忘乎所以冒哀上書言天下事
今來闕下願作石徂徠

之頌而難言

宋史石介傳介字守道耕徂徠山下魯人

會呂夷簡罷相夏竦既除樞密使復奪之以衍代章得
象晏殊賈昌朝范仲淹富弼及琦同時執政歐陽修余
靖王素蔡襄竝為諫官介喜曰此盛事也歌頌吾職其
可已乎作慶厯聖德詩所稱多一時名臣其言大姦蓋
斥竦也詩且出孫復
曰子禍始於此矣
薦之吾相皆欲令主金耀之書

韓文

薦之吾相致之吾君金耀門名宋西京宮城東二門曰
賓耀啓明西二門曰金耀乾通金耀門有文書庫舊曰
三司文書倉俗曰故紙倉多藏三司帳籍三司今版曹
也自銓曹而下儲藏帳籍之所其後置六部架閣下大

抵成案留部二年然後置而謀及乃心則姑願應銅梁

之辟

尚書謀及乃心謀及卿士謀及庶人銅梁山名在合州石照縣南五里一云銅梁山在涪江之南七

里左思蜀都賦外負銅梁宕渠杜

等勤大播

賈誼傳大鈞播物注

詩銅梁書及遠又銅梁阻一辭

以造化盡進小忠杜詩蹉跎

敢輸肺腑之微誠

劉向傳臣幸得

託肺腑師古曰謂肝肺相附著

盡告腹心之元老

詩方叔元

王莽傳伏自惟念得託肺腑

老注元大也五官之一毫有補萬坐亦甘

廉范傳不勝師資之情罪

長出於諸侯曰元老

當萬坐劉根傳小平津之招賢有三惜難受汲生之斂

兒無狀分當萬坐西京雜記平津侯自以布衣為宰相乃開東閣營客館以招天下之士其一曰欽賢館以待大賢次曰翹材館

以待大材次曰接士館以待國士公孫弘傳弘嘗與汲黯請間黯先發之弘推其後上常說所言皆聽嘗與公卿約議至上前皆背其約以順上指黯廷詰之汲黯傳上謂人曰甚矣汲黯之戇也洛陽之太息

者六實欲全周勃之功

賈誼傳誼雒陽人也拜梁懷王太傅數上疏陳政事言事勢可

為痛哭者一可為流涕者二可為長歎息者六時丞相絳侯周勃免就國人有告勃謀反逮繫長安獄誼以此讖上上深納其言

上鄭參政

昭先○宋史寧宗嘉定十二年以鄭昭先兼參知政事○鄭昭先字景紹閬縣

人初主蒲城簿數曰僥倖一第問學未悉遂遊朱文公之門遷知歸安邑民愛之累官知樞密院事參知政事進右丞相鄭氏譜云昭先之祖長樂人弟嘗殺人抵死奮曰吾弟未有子吾當代之遂言

於官官不察因死於獄而釋其弟弟出不德其兄而反凌其孤寡其子乃攜母渡水遊居嶺上遇一僧指山下地曰白羊眠處鵲啼此貴穴也葬之五世出宰相又為擇居於山下五世果生昭先

干祿遜曹未遂斗升之食

漢百官表百石以下有斗食佐吏之秩是為少吏注漢官

名秩簿云斗食月俸十一斛一說計日而食一斗二升故云斗食也

脩容政府率須四六

之文

禮記季孫之母死哀公弔馬曾子與子貢入於其廐而脩容人為君在弗內也曾子與子貢入於其廐而脩容

馬疏二子初時不具衣服故閭人拒之司馬相如傳脩容乎禮園翔翔乎書圓柳文脩容於轅門之外躡履於

油幢之前循例之常非頌則禱

禮記君子謂之善頌善禱疏頌者美盛德之形容禱者求

福以自輔張老因美以譏之故為善頌文子聞過知服故為善禱

然古者執可殺之贄

周禮春官士執雉注雉取其守介而死不失其節疏雉性耿介不可生服其士執之亦當如雉耿介為君致死不失節操也東坡詩君看三

而今則獻無用之言

柳文抱無

用之文戴反欺閭人

周禮天官閭人注司農昏以啓閉者毛氏曰門者晨昏啓閉閭亦主

啓閉舉昏以該之論語稱晨門而不言昏亦互見也

謂有已見輒輟贊山譽斗之

佞

新唐書韓愈傳贊學者仰之如泰山北斗云

移為滴露增海之忠

後漢書楊倫傳

塵加嵩岱霧集淮海晉書虞預傳山河之量非塵露可益虞溥傳積一勺以成江河累微塵以崇峻極張衡奏

事飛塵增山霧露助海曹植求自試表冀以塵露某聞微誠補益山海傳咸詩零露瀟江海飛塵崇山嶽

夷夏貴賤名位不同

左傳名位不同禮亦異數

南北動息機緘相繫

莊子意者其有機緘而不得已耶
意者其轉運而不得自止耶

兩庭分而漢室弱

光武紀建

武二十四年正月匈奴莫鞮日逐王比遣使款五原塞求捍禦北虜十月匈奴莫鞮日逐王比自立為南單于於是分為南北匈奴袁安傳北單于為耿夔所破遁走烏孫塞北地空餘部不知所屬竇憲日矜己功欲立左鹿蠡王為北單于下公卿議安以為宜令南單于反其北庭無緣更立北單于以增國費且漢供給南單于費直歲一億九十餘萬今北庭彌遠其費過倍乃空盡天下而非建策之要也憲險急負勢竟立右鹿蠡王為單于後遂反叛卒如安策所謂兩庭分而漢室弱也兩庭者沙鉢羅可汗建庭於睢合水謂之南庭吐陸建牙於鐵合山謂之北庭以伊列水為界所謂南單于北單于也唐詩二庭歸望斷萬里客心愁又二庭追虜騎六月動周師宋程大昌北邊備對云匈奴之族雖曰逐水草遷徙不常然亦擇形勢利便據一地以為之庭猶中國

之有京邑也遇戰爭游獵則隨事而出事已復歸其舊
其設險據要略與中國同惟不建築城郭則大異耳徽

本改兩庭為三分殊無謂

五胡擾而晉事多

晉元帝紀贊五胡扛鼎七廟褒尊五胡劉淵匈奴

奴石勒羯慕容容鮑鮮卑苻洪氏姚萇羌也

嘗試考古以驗今

韓非子嘗試君之動貌而後言

之莊子嘗試論之荀子嘗試之說鋒起范雎傳豈敢以疑事嘗試於王哉

恐當制治於未亂

尚書制治於未亂保邦於未危

然而內備外禦之計墮在文恬武嬉之

中韓文大憲適去狼莠不蕻相臣將臣文恬武嬉習熟見聞以為當然

民力中乾

左傳張脉債興

外疆中乾柳文含竭孕蠹外邪中乾又膚輳營胃外疆中乾精神內傷神沮脉殫

邦儲內滲
所

禁切說文下瀉也封禪書滋液滲漉

以人材則弗競以士氣則不揚將多

庸人軍半虛籍總無敵國之外患已非盛世之遠圖設

有赤白囊之馳

丙吉傳吉為相馭吏見驛騎持赤白囊邊郡發奔命書馳來至因隨至公車刺

取知虜入雲中代郡吏歸府白狀因曰恐虜所入邊郡二千石有老病不任兵馬者宜可豫視吉善其言召東曹案邊長吏瑣科條其人未已詔召丞相御史問以虜所入郡吏吉具對御史大夫卒遽不能詳知以得譴讓

必貽赭黃繳之慮

說文繳蓋也廣韻織絲綾為蓋亦作傘六典尚輦局掌輿輦繳扇大朝會

則繳一翰二陳於庭宋朝會要方繳古張帛避雨之制今有方繳大繳宋史輿服志政和八年詔民庶享神不得造紅黃繳扇東坡

天大地大託之真無敵之儒

老子道大

天大地大王亦大域中有四大法言魯不

人謀鬼謀當

用真儒故也用真儒無敵於天下安得削

為不可勝之備

易繫辭天地設位聖人成能人謀鬼謀百姓與能晉摯虞門銘人謀鬼謀道在

則尊趙克國傳戰而百勝非善之善者也故先為不可勝以待敵之可勝此語出孫子

無非事者

必有先焉折衝尊俎之間固貴矯情而鎮物

晉書謝安傳謝玄既

破苻堅有捷書至安方對客圍碁看書了無喜色碁如故客問之徐答云小兒輩遂已破賊既還內心喜甚過戶限不覺屐齒之折其矯情鎮物如此餘見前銷患廟堂之上要須從衆而廣

謀撤去私情力行實政培植根本振刷精神

李尋傳本強則精神

折大勢既張何事弗立當機不發雖悔莫追

尚書弗慎厥德雖悔

可追應劭傳如或致悔其可追執政之猶股肱相尊等耳

田蚡傳太尉相尊等耳有讓賢名熊克啓尚書憂國之
之為喉舌寢具師瞻執政之猶股肱佇顓國秉

如饑渴公早圖之恭惟某官學本六經氣鍾五緯

五星謂之

五緯李百藥詩經綸五緯同
駱賓王詩五緯連影集星曜
涵今茹古曾藏有本之源

泉
皇甫湜韓退之墓誌茹古涵今
無有端涯渾渾灝灝不可窺測
揭德振華身作不清

之王雪

韓文貞曜先生墓志揭德振華於古有光又張
給事墓銘嗚呼微也世慕顧以行子揭揭也噓

啗以為生子獨割也為彼不清作
玉雪也不清徹本改不清甚無謂

自其不辭小官於州

縣之日

自警編范正平字子夷嘗言其家家學不卑小
官居一官便盡心治一官之事只此便是學聖

人也若以為州縣之職徒
勞人耳非所以學聖人也
已知可以大受為社稷之臣

人交惜其用遲帝已嗟於見晚

主父偃傳偃上書闕下朝奏暮召入見是時徐

樂嚴安亦俱上書言世務書奏上召見三人謂曰公皆安在何相見之晚也

致身兩社

左傳

兩社為公室輔注周社亳社兩社之間朝廷執政所在疏魯是周之諸侯故國社謂之周社哀四年亳社災是魯國有亳社外朝在庫門之內東有亳社西有國社臨川集問朝廷之兩社揉方域之萬邦又取甘茂之十官最先諸老間季友於兩社乃允具瞻

倒指六年自生民以來未有盛於夫

子任天下之重時則有若阿衡

尚書在太甲時則有若保衡

三台色

齊

史記天官書魁下七星兩兩相比者曰三能三能色齊君臣和不齊為乖戾注三能音三台東方朔傳願

陳泰階六符注泰階三台也

萬物氣吐

杜甫春陵行序得結輩數十公落落然參錯天下為邦伯

萬物吐氣天下少安可待矣

惟保我子孫黎民之衆則格於皇天上

帝之心

尚書我聞在昔成湯既受命時則有若伊尹格於皇天在太戊時則有若伊陟臣扈格於上帝

如某者鹿鹿無奇

王制疏獨獨鹿鹿也鹿鹿無所依漢書蕭曹傳贊錄錄未有奇節注錄錄

猶鹿鹿言在凡庶之中也

魚魚何算

元和聖德詩魚魚雅雅注魚鳥飛行成隊

謬塵一第

爾雅塵久也晉書蔡謨傳豈惟微臣其亡之戒實昭聖世惟塵之累范弘之傳免惟塵之譏塞素餐之責唐王

鐸詩三塵上相逢明主九合諸侯愧昔英

濫底百寮

底下也爾雅疏凡物之祇必在底下杜詩有才

無命百寮底山谷詩李侯畫隱百寮底又法當憔悴百寮底又從軍補掾百寮底

憔悴之吟湘

濱孰為之地

屈原漁父篇屈原既放游於湘潭行吟澤畔顏色憔悴形容枯槁灌夫傳獨不為李

將軍地乎田延年傳欲為道地張湯傳文事有可以傷湯者不能為地注不能作道地也嗟吁而攀

蜀道竟失所天

李白蜀道難於上青天梁竦傳昧死自陳所天難難於上青天梁竦傳昧死自陳所天

趙壹傳寧當慢傲加於所天

既銜弗洎之悲

莊子曾子再仕而心

再化曰吾及親仕三釜而心樂後仕三千鍾不洎吾心悲郭象注洎及也

漫作為貧之仕適

之謂才堪之謂力不足乎揚

韓文凡適於用之謂才堪其事之謂力穀梁傳不言

齊侯何也以其不足乎揚不言齊侯注不足稱揚

薦之吾相致之吾君皆非所

冀上但願王者之佐

管子霸言篇才振四海王之佐也董仲舒傳贊劉向稱仲舒有王佐

之才雖伊呂無以加李固傳元精所生王之佐臣王允傳郭林宗見而奇之曰王生一日千里王佐才也延篤

傳李文德謂公卿曰延叔堅有王佐之才奈何屈千里之足乎荀或傳何顯異之曰王佐才也張華傳阮籍見之歎曰王佐才也世說司馬景王命虞松作表不可意鍾會為定五字王召見拊手歎息曰此生王佐才也南史臧盾傳幼從諸葛璩受五經璩學常有數十百人處其間無所狎比璩曰此生王佐才也北史于謹傳太宰元天穆見之歎曰王佐才也宋弁傳至京師見尚書李冲言論移日冲異之曰此生一日千里王佐才也新唐書李靖傳仕隋為殿內直長尚書牛弘見之曰王佐才也杜如晦傳時府屬多外遷王患之房玄齡曰去者雖多不足吝如晦王佐才也馬周傳贊非王佐才疇克及此蕭遇傳負大節以王佐自任楊瑄傳贊雖古王佐無以加房瑄傳贊德器有王佐才李晟傳贊雖三王之佐無進其能齊澣傳李嶠稱有王佐才杜黃裳傳達權變有王佐才略崔造傳與韓會盧東美

張正則三人皆自謂有王佐才號四變

毋先天下而憂

五朝名臣言行錄范文正公少有大節慨然有志於天下當自誦曰先天下之憂而憂後天下之樂而樂也

儀圖之莫助之斐然僭躐

躐踰跨也禮記學不躐等跋躐前行曰躐餘見前

其

進也與退也惟所指撝

說文摩所以指麾也通作撝易撝謙注謂指揮皆謙也韓文守

官去官在今日指揮又誰復稟指撝

上曾樞密

從龍○宋史寧宗嘉定十二年以曾從龍同知樞密院事三月參知政事四月

罷理宗端平元年復以從龍參知政事本傳曾從龍字君錫慶元五年擢進士第一歷官知樞密院

兼參知政事卒贈少師詳第二十一卷

讀阿房之賦早累殊知

撫言崔偃試進士東都吳武陵謂偃曰公方為天下求奇才敢

獻所益因出袖中書偃讀之乃杜牧阿房宮賦坐客皆
警武陵曰牧方試有司請以第一人處之偃謝已得其
人至第五偃未應武陵勃然曰不爾宜以賦見還偃曰
如教牧果異等曾從龍傳嘉定七年知貢舉公甫蓋是
年登第
投光範之書今無他覲詳首條特以門牆之舊法言倚門

牆則得觀鼎鼎之新

杜詩調和鼎新

欲輸愚慮之千

史記淮陰侯傳

愚者千慮必有一得

往抵賀錢之萬

史記呂公善沛令避仇從之客因家焉沛中豪傑吏聞令

有重客皆往賀蕭何為主吏主進令諸大夫曰進不滿
千錢坐之堂下高祖為亭長素易諸吏乃給為謁曰賀
錢萬實不持一錢譬諸大海豈有待而增加然在細流固不嫌

於傾寫

李斯傳河海不擇細流山谷詩意氣要傾瀉

某聞交隣有道寢兵固

帝王之功

管子寢兵之說勝則險阻不守

制勝無形銷患在廟堂之上

張協詩折衝尊俎間制勝在兩楹

今虎狼之文噬

宋史嘉定十二年三月金人寇淮西知楚

州賈涉使李全救却之詔加全廣州觀察使金人圍安豐軍及滁濠光州江淮制使李珣命池州都統制武師

道忠義軍都統制陳孝忠救之皆不克進金人遂分兵自光州犯黃州之麻城自濠州犯和州之石碛自盱眙

犯滁州之全椒來安及揚州之天長真州之六合淮南流民渡江避兵金遊騎數百至采石楊林渡建康大震

久蚌鷁以相持

戰國策趙且伐燕蘇代為燕謂惠王曰今者臣來過易水蚌方出曝而鷁啄其

肉蚌合而箝其喙鷁曰今日不雨明日不雨即有死蚌蚌亦謂鷁曰今日不出明日不出即有死鷁兩者不肯

相捨漁者得而并禽之陸賈春秋後語亦載此殘喘儻事即有死蚌作必見蚌脯以雨叶脯妙出天然

魁怒將移於水蟹

魁本作蘇死而更生曰蘇通作蘇今作魁乃俗書也禮記蟄蟲昭蘇注更

息曰蘇晉書解系傳系字少連為雍州刺史與趙王倫有隙倫得志收系兄弟梁王彤救之倫曰我於水中見蟹且惡之況此人兄弟輕我乎東坡詩怒移水中蟹愛及屋上烏前人下語不苟如此句人只知用解系事而不知曾經東坡拈出也

新酋稍逼殃易及於池魚

酋愁秋切酋長魁帥之名風俗

通曰城門失火禍及池魚舊說池仲魚人姓字也居宋城門失火延及其家仲魚燒死又云宋城門失火人汲取池中水以灌沃之池水空竭魚悉露死喻惡之流并傷良謹也宋周輝清波雜志云張無盡嘗作一表云魯酒薄而邯鄲圍城門火而池魚禍上句出莊子下句不知所出廣韻以池仲魚為人姓名白樂天詩有火發城頭魚水裡救火竭池

至如歸附之民亦是紛爭之

魚失水不主姓名之說

釁

宋史嘉定八年蘭州盜程彥輝求內附四川制置使董居誼卻之九年秦州人唐進與其徒何進等引衆

十萬來歸董居誼拒卻之

戰守和之未決難察察言兵食信之何先

宜事事備

竝見前

令徒懲創已往之失

創楚諒切懲也傷也

遂致闊

略方來之憂

馮衍傳闊略稍小之禮鍾離意傳闊略遠縣細微之愆

本惡張皇事

反流於怠弛

尚書張皇六師疏張大我之六師

初求鎮靜弊乃致於蔽

蒙最是民困易搖仍覺兵虛必潰言之唇腐

東方朔傳唇腐齒落

服膺而不釋儒林傳唇腐齒落而不知益

識者心寒

史記李斯傳足以為寒心又荆軻傳足為寒心

注凡人寒甚則心戰恐懼亦心戰今以懼譬寒言可為心戰

谷永傳臣永所以破膽寒心

池非不深險誰與守飢者欲食勞者欲息怨豈在明

尚書

一人三失怨豈在明不見是圖

藉令有效死之民亦未見決勝之將

龍錯

傳有必勝之將無必勝之民

外憂縱緩內蠹已多願察積薪厝火之

形

賈誼傳夫抱火厝之積薪之下而寢其上火未及然因謂之安方今之勢何以異此

亟為徹桑

未雨之計通民氣於士氣參天心於人心收拾羣材

說文

拾掇也廣韻收拾又斂也後漢書盧植傳宜勅收拾以安游魂徐昉傳收拾缺遺建立明經韓文頽墮委靡潰敗不可收拾又無人收拾理則那又收拾不可遲恢張衆志戒牧守之忤刻斥

將帥之驕殘亟厚邦儲速蒐軍實

楚語榭不過講軍實注軍實戎士也左傳

以數軍實人墮軍實而長寇讐軍實指車徒器械朱浮傳多置官屬以損軍實注謂甲兵糧儲也荀或傳徵其

軍實無非事者網既舉則目張

詩四方為網箋網者能張衆目文中子薛牧問於仲

長子光子光曰舉一綱而衆目張

不蚤圖之枝未害而本撥

左傳若不早圖後君

啗臍其及圖之乎詩人亦有言顛沛之揭枝葉未有害本實先撥注揭見根貌樹木將欲顛仆傾拔之時其根

揭然而見此時枝葉未有折傷之害而根本實先斷絕

和羹固異於濟水

左傳和如羹焉

水火醢醢鹽梅以烹魚肉燂之以薪宰夫和之齊之以味濟其不及以洩其過君子食之以平其心若以水濟

水誰能食之

同舟況迫於遇風

鄧析書同舟涉海中流遇風救患若一所憂同故也孔叢

子吳越之人同舟濟江中流遇風波其相救如左右手者所患同也王弼周易略例投戈散地則六親不能相

保同舟而濟則胡越何患乎異心

公輔居兩社之間相尊等耳

田蚡傳太尉相

尊等耳有讓賢名按相去聲言太尉與相其尊等耳今作平聲讀連下句蓋斷章餘見上條

大臣不

四方之慮人望謂何

禮記通臣守和宰正百官大臣慮四方疏謂二伯州牧之等謀慮四

方此大臣亦兼家宰

恭惟某官恭懿而惠和

左傳高辛氏有才子八人忠肅共懿宣慈

惠和天下之民謂之八元

弘深而肅括

法言或問士何如斯可以裨身曰其為中也弘深其為外

也肅括則可以裨身矣

榮進素定夙瞻魁下之三台

名臣遺事諫議大夫張師

德謁向文簡敏中曰師德兩詣王相公門皆不得見恐為人輕毀望公從容明之一日方議知制誥公曰可惜

張師德向公曰何謂公曰某於上前說張師德名家有士行不意兩及吾門狀元及第榮進素定但當靜以待

之耳若奔競使無階而進者當何如也向公方以師德之意啓之公曰某處安得有人敢輕毀人但師德後進待我淺也

昭晰無疑豈待日中之見斗

韓文昭晰者無疑優游者有餘

易豐六二豐其蔀日中見斗往得疑疾有孚發若吉九四豐其蔀日中見斗遇其夷主吉注蔀覆煖障光明之物也所豐在蔀幽而無覩者也日中者明之盛也見斗者闇之極也疏處光大之世而為極闇之行譬日中而斗星見故曰日中見斗也唐書昭宗

信儒者有益於國

見天之將任是人未嘗揚己以取名殆欲格王而正事

尚書惟先格

自參宥密

詩夙夜基命宥密傳宥寬密寧也箋早夜始順天命不敢解倦

王正厥事
行寬仁安靜之政以定天下寬仁所以息暴亂也

益謀弼諧

尚書謨明弼諧

古所謂隣哉之臣

尚書隣哉臣哉孔傳隣近也言君臣道近相須而成

人將責賢

者之備

唐太宗贊春秋之法常責備於賢者

誠能歸草茅之公議置在本

朝

梅福傳廟堂之議非草茅所當言也誠恐身塗野草尸并卒伍故數上書求見

從而散廊廟

之泰和達之薄海

尚書外薄四海咸建五長

此真漢相矣

王商傳河平四年單

于來朝引見白虎殿丞相商坐未央廷中單于前拜謁商商起離席與言單于仰視商貌大畏之遷延卻退天子聞而歎曰

豈憂匈奴哉

馮唐傳上既聞廉頗李牧為人良說乃拊髀曰嗟乎吾獨

不得廉頗李牧為將豈憂匈奴哉

上將恨無官以酬公

新唐書李德裕傳劉稹誅策功

拜太尉進封趙國公德裕固讓言唐興太尉惟七人尚父子儀乃不敢拜裴度為司徒十年亦不遷臣願守舊

秩足矣帝曰吾恨無官酬公母固辭

公亦可有辭於永世

尚書其爾之休終有辭於永世

如某者戇由氣稟

戇陟降切說文愚也从心戇聲或作

而癡驂意昏者禮記哀公問寡人蠢愚表記其民之敝

蠢以愚注謂情不澆詭汲黯傳甚矣汲黯之戇也高祖紀王陵可然少戇師古曰戇愚也

拙不時宜頃因場屋之文特蒙偉視

王荆公詩場屋聲名看出羣

繼修竿牘之敬又沐賞音

莊子小夫之智不離苞苴

竿牘敝精神於蹇淺注苞苴以遺竿牘以問遺問之具

小知所殉文選雖實唱高猶賞爾音山谷詩忍向時人

寬賞 回回州縣之塵 楚辭腸回回兮盤紆揚雄傳徒回

音 東西風行雲轉句磕隱句黃塵勃滃閭若霧昏劉落落公幹雜詩沈迷簿領書回回自昏亂回回心亂貌

功名之夢

落落不相入也老子落落如石取

本謂伯樂

之既顧羣馬可空

韓文伯樂一過冀北之野而馬羣遂空夫冀北馬多天下伯樂雖善知馬

安能空其羣耶解之者曰吾所謂空非無馬也無良馬也

寧知烏獲之難逢匹雛莫

舉竊料黑頭之宰相

晉書諸葛恢傳恢弱冠知名試守即邱長轉臨沂令為政和平值天

下大亂避地江左名亞王導庾亮嘗謂曰明府當為黑頭三公王珣傳珣弱冠與謝玄為桓溫掾溫嘗謂之曰

王掾當作黑頭公北史濟南王彧字文若少有才學時譽甚美侍中崔光見而謂人曰黑頭三公當此人也

亦憐白腳之門生

唐趙璘因話錄李太師逢吉知貢舉榜成未放而入相禮部王尚書播代

放榜及第人就中書見座主時語好腳踪門生白腳未詳

然願廣萬間以庇寒

杜詩安得

廣厦千萬間大庇
天下寒士俱歡顏
詎敢私升斗之活涸

莊子莊周家貧往貸粟於監河

侯河侯曰我將得邑金貸子三百金周忿然作色曰周
昨來有中道而呼者顧見車轍有鮒魚焉問之曰子何
為者耶對曰我東海波臣也君豈有升斗之水而活我
哉周曰諾我將南遊吳越之王激西江之水而迎子可
乎鮒魚忿焉作色曰吾得升斗之水為活耳君乃言此曾不
如早索我於枯魚之肆捲珠簾於未

老勿疑驚燕之呢喃

湘山野錄呂申公薦陳堯佐

曰二社良辰千家庭院翩翩又見新歸燕鳳凰巢穩許
為隣滿湘煙暝來何晚亂入紅樓低飛綠岸畫梁時拂
歌塵散為誰歸去為誰來主人思重珠簾捲申公笑曰
自恨捲簾人已老莫愁調罷子無功公老於廊廟而蘊
藉如此呢喃語不了也劉令江水兮安流庶遂間鷗之
李孫詩呢喃燕子語梁間

浩蕩

楚辭令湘源兮無波使江水兮安流杜詩白鷗波浩蕩萬里誰能馴

贊見

見趙茶馬

彥綰○全篇用茶馬事茶馬沿革見都大門按職源併茶馬為一司始於元豐

四年此蓋成都等路提舉故通篇兼用蜀事

訪火井於臨邛偶逃水厄

一統志火井在伏龍山下地窪若池以水引之隱隱出地

中少頃炎熾夏月積雨停水則焰生水上水為沸而寒如故冬月水涸則上上有焰觀者至焚衣裾異苑臨邛縣有火井漢室之隆則炎赫彌熾桓靈之際火勢漸微諸葛孔明一職而更盛至景曜元年人以燭投即滅其在縣南百里昔時有以竹木投之以取火諸葛丞相往年蜀并於魏博物志臨邛有火井縱廣五尺深二三丈

視之後火轉盛熱以盆著井上煮鹽得鹽入以家火即滅迄今不復燃也文選火井沉焚於幽泉高燭飛燭於天垂注蜀都有火井欲出其火先以家火投之隆隆如雷聲燭出爛然以竹筒盛之接其光而無灰杜詩斬木火井羣猿呼又煙塵侵火井注蜀有火井在邛州故邛有火井縣世說王濛好茶人至輒飲之士大夫甚以為苦每欲候濛必曰今日有水厄洛陽伽藍記給事中劉縞慕王肅之風專習茗飲彭城王謂縞曰卿不慕王侯八珍專好蒼頭水厄海上有逐臭之夫里內有效顰之婦子其是也自是朝貴不復設茗惟江表殘民遠來降者侍中元乂欲為設茗先問卿於水厄多少蕭正德不曉乂意曰下官雖生水鄉立身以來不遭陽侯之厄舉座皆笑山谷詩不嫌水厄幸來辱寒泉湯鼎聽松風按火井亦出茶山谷煎茶賦云夷陵之壓磚臨邛之火井也

是望星槎於仙漢行拜月題

博物志舊說云天河與海通有人居海渚者年年八

月有浮槎去來不失期人有奇志立飛閣於壺上多齋糧乘槎而去十餘日中猶觀星斗日辰自後茫茫然亦不覺晝夜去十餘月奄至一處有城郭狀屋舍甚嚴遙望宮中多織婦見一丈夫牽牛渚次飲之牽牛人乃驚問曰何由至此此人具說來意并問此是何處答曰君還至蜀郡訪嚴君平則知之後至蜀訪君平曰某年月日有客星犯牽牛宿計年月正是此人到天河時也周密癸辛雜志云自唐諸詩人皆以乘槎為張騫事雖老杜用事不苟亦有乘槎消息近無處問張騫之句按騫本傳止云漢使窮河源而已至張華博物志乃云云然未嘗指為張騫也及宗慄作荆楚歲時記乃言武帝使騫使大夏尋河源乘槎見牛女不知何據又王子年拾遺記云堯時有巨槎浮於西海壺上有光若星月二月一周天名曰貫月壺則堯時已有此壺矣莊子加以衡扼齊之以月題月題馬額上當額慰江湖渴夢之深如月形者東坡詩門外青驄響月題

山谷以雙井茶送孔常甫詩校經同省竝門居無日不
聞公讀書故將茗碗澆舌本要聽六經如貫珠心知韻
勝舌知腴何似寶雲與真如湯餅作魔應不寢慰君渴
夢吞江湖唐何似諷夢渴賦云奔九江走五湖手不暇於
幹運心不息於躊躕見波漸竭而百川如淺岸益高而
低淤將枯腹慊爾而不覺肺燥然而不濡又云以吾此
夕之一夢見自瞻原隰華鑣之沃詩皇皇者華於彼原
古不足者之心隰鑣悲交切說文馬

銜也爾雅鑣謂之鑣釋名包也在旁包斂其口

韓詩清塗振華鑣詩六轡沃若詩詰潤澤也

伏念某

地寒而根淺

劉向別錄鄒衍在燕有谷地美而寒不生五穀晉書列女傳王渾妻鍾琰生子濟女

亦有才淑為求賢夫時有兵家子甚俊濟欲妻之白琰
琰曰要令我見之謂濟曰此人人才足拔萃然地寒壽促
不足展其器用楊方傳縉紳之徒咸厚遇之自以地寒
不願久留京華求補遠郡北史陳元康傳元康地寒時

以為殊賞新唐書李揆傳苗晉卿數薦元載揆輕載地
寒載銜之舒元與傳地寒不與士齒韓詩外傳草木根
芽淺未必撼也飄風興暮雨
墜則撼必先矣此以茶喻
年運而骨高
莊子子年運
而往矣杜陵

瘦馬行東郊瘦馬使我傷骨骸碑兀如
堵牆韓駒父詩官清馬骨高此以馬喻
斟酌曾中固乏

可人之風味

漢書敘傳斟酌六經蔡邕傳斟酌羣書李
固傳斟酌元氣左慈傳手自斟酌莫不醉

飽山谷以團茶贈晁無咎詩贈君越侯所貢蒼玉璧可
以烹玉麈試春色澆君胸中過秦論斟酌古今來活國
禮記孔子曰管仲遇盜取二人馬上以為公臣曰其所
與游辟也可人也蜀志費禕傳君信可人晉書桓溫傳
常行經王敦墓望之曰可人可人可人或作可兒兒與
人通用梁書范雲傳沈攸之召與語聲色甚厲雲貌不
變徐自陳說攸之乃笑曰卿定可兒山谷詩十年擇對
無可人又平生心賞建溪春一邱風雨極可人穀梁傳

僖元年注江熙曰雖千載之事難明然風味之所期古猶今也世說注高逸沙門傳支遁居會稽晉哀帝欽其風味杜詩西河共風味極不淺○喻茶局促轅下粗知範我味窺大雅又風味極不淺○喻茶局促轅下粗知範我

之馳驅

灌夫傳局趣效轅下駒應劭曰駒者駕著轅下局趣躡小之貌張晏曰俛頭於車轅下隨母而

已師古曰張說非也駕車不以牝馬皇皇者華曰我馬維駒非隨母也按說文局促也從口在尺下復局之趣亦作促音趨玉切廣韻短也蹙也○喻馬與其包裹而供權倖之鑽

東坡和錢安道寄惠

建茶詩收藏愛惜待佳客不敢包裹鑽權倖烏臺詩案云此詩譏世之小人○喻茶不若蹭蹬而

任風塵之老

杜詩蒼茫風塵際蹭蹬騏驎老志士懷感傷心胃已傾倒蹬音鄧○喻馬況乏

揮毫之百斛

山谷雙井茶送子瞻詩人間風日不到處天下玉堂森寶書想見東坡舊居士揮毫

百斛瀉明
珠○喻茶

固應病顙之十年

柳文起廢答中廐病顙之
駒顙之病且十年色玄不

尤無異技磴然
大耳○喻馬

懶問蓬萊羣仙之司

盧仝謝孟諫議寄
新茶詩蓬萊山在

何處玉川子乘此清風欲歸去山上羣
仙司下土地位清高隔風雨○喻茶

遂叱邛徠九折

之馭

王尊傳先是琅琊王陽為益州刺史行部至邛徠
九折阪數曰奉先人遺體奈何數乘此險後以病

去及尊為刺史至其阪問吏曰此非王陽所畏道耶吏
對曰是尊叱其馭曰驅之王陽為孝子王尊為忠臣山

海經峽山江水出焉華陽國志嚴道縣南有邛邽山
山上凝冰夏結縈迴九折王陽去官之所○喻馬

其

甘如薺豈必衆嘗

詩誰謂荼苦其甘如薺荼音徒薺音
此說文荼苦茶也徐曰即今之茶字

薺廣韻云甘菜淮南子云薺水也冬水王而生仲夏土
王而死又其枝葉細靡通謂之靡草師曠占以薺為甘

草稼穡作甘故以為歲豐之候王應麟玉海周詩記苦
茶茗飲出近世春秋書齊茶漢書志茶陵陸顏諸人雖
已轉入茶音而未易字文也自陸羽茶經盧仝茶歌趙
贊茶禁以後遂易茶為茶丁謂進新茶表右件產異金
沙名非紫笋江邊地暖方呈彼茁之形闕下春寒已發
其甘之味有以少為貴者焉敢韞而藏諸無名氏詩甘
齋非子敵宮槐讓我先陳後山詩君如雙井茶
衆口願一嘗顧我如麥飯猶足填饑腸○喻茶言刈其
萸願為君御詩翹翹錯薪言刈其萸之子于歸言秣其
駒萸龍殊切爾雅翼云萸古今以為珍菜
大招云吳酸萸王逸曰萸香草也郭氏云江東用以
羹魚李膺傳荀爽嘗就謁膺因為其御既還喜曰今日
得御李君恭惟某官雲龍氣局張舜民小說熙寧中有
旨下建州製密雲龍其
矣○喻馬
品尤高東都事略廖正一字明略晚登蘇門子瞻大奇
之時黃秦晁張號蘇門四學士每來必令侍者朝雲取

蜜雲龍一日又命取蜜雲龍家人謂是四學士窺之乃
明略也山谷蜜雲龍詩亂雲蒼壁小盤龍貢包新樣出
元豐午牕欲眠視濛濛喜君開包碾春風按宋龍鳳團
今人徒聞名而不識其形製宋建安人黃儒作品茶要
錄列四十餘色細色三十六品麤色五品近世江陰徐
子擴暖姝由筆云嘉靖十六年正月丹陽孫曲水於留
都得團茶一餅形如象棋子厚三四分面有戲珠盤龍
中一方圓楷書萬壽龍芽四字真宋物也雲翼按此即
茶錄中細色第五號宋大觀二年與貢新鈐御苑玉芽
同造蓋高品也曲水先大父別號即此可想其形製云
天驥風標顏延年赭白馬賦漢道亨而天驥呈材任昉
追封衡陽王詔風標秀特器體淹弘南史柳
橙傳柳橙風標才氣恐不能為
少主臣山谷詩遺編想風標

架屋桃源三椀澆五千

之卷

昌黎桃源圖詩架巖鑿谷開宮室接屋連牆千萬
日盧仝詩一椀喉吻潤二椀破孤悶三椀搜枯腸

我有文字
五千卷

乘軺棘道一雄將十萬之雌

軺市昭切使車也
焚蒲北切說

文捷為蠻夷从人棘聲司馬相如傳略通夜郎焚中注
駢笄邛焚四種皆夷名山谷詠李伯時摹韓幹三馬詩

緬懷胡沙英妙質

一雄可將十萬雌
卻笑前丁後蔡之籠

加東坡詩君不見武夷溪邊

粒粟芽前丁後蔡相籠加爭新買寵各出意今年鬪品
充官茶建州郡志建州大小龍團始於丁晉公而成於
蔡君謨國朝太平興國二年始置籠焙造龍鳳茶咸平
中丁晉公為福建漕監造御茶進龍鳳團慶歷間蔡公
端明為漕始改造小龍團茶仁廟尤所珍惜是後最精
者曰龍團勝雪外有蜜雲龍一品號為奇絕方靈芽數
折之初常先民焙十餘日進發飛騎疾馳不出中春頭
綱已至京師歐陽永叔聞君謨進小龍團驚歎曰君謨
士人也何安得超范軒轅之繳繞
柳文晉問晉國多馬
屈馬是產四散倘悅

開合萬狀其小者則連牽繳繞仰乳俯翫其材之可者收斂攻教棹手飛廉指毛命物百步就羈牽以苟息御以王良超以范鞅軒以樂鉞左傳加臭味而厚賓客漫范鞅超乘樂鉞為右軒公出於淖

令策免褐之功

山谷煎茶賦云苦口利病解膠滌昏未嘗一日不放著而策茗碗之熟者也又

云酌兔褐之甌淪魚眼之鼎既加臭味而厚賓客前四後四各用其一蔡襄茶錄茶色白宜黑盞建安所造者紺黑紋如兔毫其坏微厚煢之久熱難冷為要用出他處者或薄或紫皆不及也

畫骨相而遺

毛皮諒必察驪黃之外

山谷詩曹霸弟子沙苑丞喜作肥馬人笑之李侯論幹獨不爾

妙畫骨相遺毛皮列子秦穆公謂伯樂曰子之年長矣子姓有可使求馬者乎伯樂對曰臣有所共與擔轡束薪者有九方皋此其於馬非臣之下也穆公見之使行求馬三月而反曰已得之矣牝而黃使人往取之牡而

驪穆公不悅曰敗矣子之所使求馬者色物牝牡尚不能知又何馬之能知也伯樂喟然歎息曰一至於此乎是乃其千萬臣而無數者也若皋之所觀者天機也得其精而忘其粗見其內而忘其外若皋之相馬乃有貴於馬者也馬至如某者不持圭璧

山谷以小龍圖及半挺贈晁無咎詩我持

玄圭與蒼璧以暗投人渠不識城南窮巷有佳人不索賓郎常晏食

未洗袴袍山谷題李伯時頓塵

馬詩竹頭搶地風不舉文書堆案睡自語忽看高馬頓風塵亦思歸家洗袍袴

特窘城南晏食

之謀

見上文

遂入冀北暮取之數

韓文伯樂一過冀北之野而馬羣遂空又朝取

一人馬拔其尤暮取一人馬拔其尤味已輸於第一

東坡詩注草茶盛於兩浙日注第一自景

祐以來洪州雙井白芽製作尤精遂為草茶第一

價敢望於倍三

韓文昔人有鬻馬不售于

市者知伯樂之善相也從而求之伯樂一顧價增三倍

草茶無賴空有名敢妄希

於湔被

東坡詩草茶無賴空有名高者妖邪次頑礪湔將先切滌也灑也被數勿切說文除惡祭也又

絮也除也戰國策汙明說春中君曰君獨無湔被我也山谷煎雙井茶詩能洗茗椀湔被我風袂欲挹浮邱翁

塞翁未必不為福或可備於走趨

淮南子塞上之人其馬亡入胡中人皆弔

之其父曰此何知不為福居數月其馬將胡駿馬而歸人皆賀之其父曰此何遽不為禍家富馬良其子好騎墮而折其腓人皆弔之其父曰此何不遽為福居一年胡人大入塞丁壯皆引弦而戰近塞之人死者十九此獨以跛之故父子相保韓文佩玉長裾不利走趨

上魏運使

了翁○宋史魏了翁字華父邛州蒲江人慶元五年進士贈泰國公諡文靖詳

見本
條注

聞宇宙之大名如瞻喬嶽

杜詩諸葛大名垂宇宙又巫峽忽如瞻華嶽

抱江

湖之渴夢今在下風

山谷詩慰君渴夢吞江湖詳見上條左傳羣臣敢在下風鄒陽傳竊

高下風之行師古曰言在下風側聽高尚

乏紹介以為容

王褒四子講德論無介紹介安從行乎

公卿鄒陽傳蟠木輪囷離奇而為萬乘器者以左右先為之容也馬援傳無左右為容之介

脩辭誠

而求見

易脩辭立其誠所以居業也宋李略該聞錄云林逋隱居西湖朝廷命守臣王濟體訪逋投贄

一啓其文皆儷偶聲律之流乃以文學保薦詔下賜束帛而已濟曰草澤之士文須滑稽不友王侯文學之士則修辭立誠俟時致用逋兩失

某聞士之任重固不止

獨善其身儒者道高要當知有貴於己若靡然斷趾以

適屨

荀爽傳後世之人好福不務其本惡禍不易其軌傳曰截趾適屨孰云其愚何與斯人追欲喪軀誠

可痛也

必至於舐痔以求車

莊子宋人有曹商者為宋王使秦其往也得車數乘王說

之益車百乘反於宋見莊子曰夫處窮閭阨巷困窘織屨稿項黃馘者商之所短也一寤萬乘之王而從車百乘者商之所長也莊子曰秦王有病召醫破癰潰瘻者得車一乘舐痔者得車百乘所治愈下得車愈多子豈治其痔耶何得車之多也子行

矣趙壹傳舐痔結駟正色徒行

操行既卑國家何賴有

能卷舒之際

袁宏傳蓬窗以之卷舒柳下以之三黜杜詩白髮甘雕喪青雲亦卷舒

不為

燥濕所移

漢書律厯志銅為物至精不為燥濕寒暑移其節不為風雨暴露敗其形介然有常似乎士

君子之行申屠蟠傳味道守貞不為燥濕輕重不為窮
通易節淮南子夫烏之啞啞鵲之啁啁豈嘗為寒暑燥

濕變其

聲哉如蘇文忠之違熙豐亦不苟同於元祐

宋史蘇軾傳高

宗即位贈太師諡文忠熙寧元豐神宗年號
王安石為相元祐哲宗年號司馬光為相

若劉忠肅

之惡章蔡然非強附於伊川

宋史劉摯字莘老永靜東光人嘉祐中擢甲科哲宗

即位擢侍御史疏蔡確十惡章惇凶悍輕佻無大臣體
皆罷去紹興初贈少師諡忠肅伊川先生年譜云孔文
仲奏先生汗下儉巧素無鄉行實錄孔文仲載呂申公
之言曰文仲為蘇軾所誘又申公家傳亦載其與呂大
防劉摯王存同較文仲所是名蜀珍
法言蜀莊沉冥蜀
論朱光庭事語甚激切
作苟見不治苟得久幽而不改其操雖隋和何以加諸
舉茲以旃不亦寶乎吾珍莊也居難為也邵氏見聞錄

薛簡肅公知成都范蜀公方為舉子一見愛之公還朝載蜀公以去或問簡肅曰自成都歸得何奇物曰蜀珍產不足道吾歸得一偉人耳

可重趙鼎

史記平原君傳毛先生一至楚而使趙重于九鼎大呂

觀公氣象

柳文先友記元全柔河南人氣象甚偉視古韓詩氣象碑兀未可攀又氣象難比倖

等倫

甘延壽傳投石超距絕於等倫杜詩尊榮邁等倫

茲故賦明月烏鵲之詩

魏武帝短歌行月明星稀烏鵲南飛繞樹三匝何枝可依明帝步出夏門行躡迫日暮烏鵲南飛繞樹三匝何枝可依

亟欲快景星鳳凰之覩

韓文朝廷之士引領東望若景星鳳凰之始見也爭

先覩之

恭惟某官眼高四海

東坡詩眼高四海空無人

胃著千年

陳后

山詩胷中歷歷著千古筆下源源赴百川

漢相有真宜居蕭曹丙吉之冠

王商

傳此真漢相矣丙吉傳贊近觀漢相高祖開基蕭曹為
冠孝宣中興丙魏有聲文中子魏相篇子謂魏相真漢
相識兵略達鄭公所願蓋在稷契皋陶之良新唐書魏

時令遠乎哉

鄭公所願蓋在稷契皋陶之良

徵傳徵頓

首曰願陛下俾臣為良臣毋俾臣為忠臣帝曰忠良異
乎曰良臣稷契咎陶也忠臣龍逢比干也良臣身荷美
名君都顯號子孫承傳流祚無疆忠臣已嬰禍

誅君陷昏惡喪國夷家祇取空名此其異也

當炙手

可熱之時

唐裴光裕東觀奏記魏國公崔鉉秉政鄭魯

補吏議事或與之參酌時人語曰炙手可熱楊鄭段薛

欲得命通魯紹環蒙杜詩炙手可熱勢絕倫此指韓侂

冑

凜掉頭不顧之節

杜詩巢父掉頭不肯住東將入海

拂珊瑚樹魏了翁傳遷長卿甫還於巴路司馬相如傳

秘書郎以親老乞外補

長卿甫還於巴路

相如為郎數

歲會唐蒙略通夜郎焚中發巴蜀吏卒千人郡又多為發轉漕萬餘人用軍興法誅其渠率巴蜀民大驚恐上聞之乃遣相如責唐蒙等因告諭巴蜀民以非上意元濟已叛於蔡城新唐書吳元濟傳少

陽死子元濟匿不發喪偽表請元濟主兵會傳言董重質殺元濟族其家李吉甫請遣使弔賻元濟不得命乃悲兵四出焚舞陽及葉掠襄城陽翟關東大恐魏了翁傳了翁知嘉定府行次江陵蜀大將吳曦以四川叛

神山可巢固自薄蓬萊而不即

史記蓬萊方丈瀛洲三神山者在渤海中諸仙

人及不死藥在焉未至望之如雲及到三神山反居水下風輒引去終莫能至韓詩我能屈曲自世間安能從女巢神山柳文謫龍說吾故居鈞天帝宮下上星辰呼吸陰陽薄蓬萊羞崑崙而不即魏了翁傳韓侂冑以誤國誅朝廷收召諸賢了翁預馬會史彌遠攬槍未落必入相了翁察其所為力辭召命開門授徒

欲借荆楚以同功

欃楚咸反。槍楚行反。爾雅：彗星為槍。槍注亦謂之彗。言其形彗，彗似掃彗。

史記天官志：長二丈類彗星，退而西北，三月生，天欃長四丈，未兌退而西南，三月生，天槍。京房曰：天欃為兵，赤地千里，枯骨藉藉。晉天文志云：妖星四曰天槍，其出不過三月，必有破國亂君伏死，其辜殃之不盡，當為旱饑暴疾。五曰天欃，石氏曰：雲如牛狀，甘氏云：本類星末銳，長數丈，河圖曰：歲星之精流為天槍，熒惑散為天欃。天槍，歲星所生，見以甲寅，天欃，辰星所生，出以壬寅。石氏曰：槍、欃、梟、彗異狀，其殃一也。天文志云：孝文時，天槍夕出，西南占曰：為兵喪亂，其六年十一月匈奴寇上郡。雲中漢起兵以衛京師也。唐中宗文明元年七月辛未夕，有彗星於西方，長丈餘，八月甲辰不見，是為天欃。昭宗景福元年十二月丙子，天欃出於西南，已卯化為雲而沒。崔駰傳：運欃槍以電掃，今清雖卒成孺子之名。

史記孫子

傳遂成壁
子之名

然已立懦夫之志

袁宏傳後生擊節懦夫增氣

一麾而出

文選屢薦不入
官一麾乃出守

十暑於茲

杜詩十暑岷山萬三霜楚戶砧

回視獨對三

千字之人

夏竦詩縱橫禮樂三千字獨對丹墀日未斜

誰肯甘頌十九年之

刃

莊子庖丁曰今臣之刀十九年矣賈誼傳屠牛坦一朝解十二年而芒刃不頓者所排擊剝割皆衆理解也

注頓讀曰鈍魏了翁傳嘉定十五年被召入對蓋自了翁去國十有七年矣

萬牛不能回邱

山之重

杜詩萬牛回首邱山重

四牡又復勤原隰之馳

詩四牡騤騤周道逶迤

遜

要路在前聊養韓忠獻之器

韓琦傳琦字穉圭相州安陽人弱冠舉進士第

二贈尚書令諡忠獻胡氏傳家錄公徙開封府推官理事不倦暑月汗流浹背府尹王博文大器重之曰此人

要路在前而治民榮進素定何必王文正之門見前上

如此真宰相器也

條魏了翁傳了翁再入朝史彌遠欲然海內所以屬望

引以自助了翁正色不撓未嘗私謁

於公蓋天下尚有可為之事

五朝名臣言行錄呂誨字獻可官至御史中丞獻可

病手書托溫公為墓志溫公亟省之已瞑目矣溫公呼之曰更有以見屬乎獻可復張目曰天下事尚可為君實勉之自警篇云獻可忍死謂溫公以天下尚可為君自愛後溫公相天下再致元祐之盛獻可不及見矣至溫公薨獻可之子由庚作挽詩曰地下若逢幸昌其志中執法為言今日早昇平記其先人之言也

以濟斯民惟功名當久遠之看

翰苑新書慶厯初歐陽永叔張安道王素俱除

諫官蔡君謨以詩賀曰御筆親除三諫官喧然朝野競相歡當年流落丹心在自古忠良得路難必有謀猷裨

帝右直須風采動朝端世間萬物俱塵土留取則富貴功名久遠看三人以其詩薦於上尋亦除諫官

乃緒餘之事

莊子其緒餘以為國家注緒者殘也謂殘餘也

如某者居貧甚肆

從仕難任

韓詩居閒食不足從仕力難任

大汗漫九垓之期分甘控地

淮南子若士與汗漫期於九垓之上韓詩騰身誇汗漫莊子蜩與鸞鳩笑之曰我決起而飛槍榆枋時則不至而控於地

逐侏儒一囊之俸豈必鑽天

東方朔傳侏儒長三尺餘俸一

囊粟錢二百四十臣朔長九尺餘亦俸一囊粟錢二百四十

乃遠隨黃鵠之梯

李白蜀道

難地崩山摧壯士死然後天梯石棧相鉤連黃鵠之飛尚不得過猿猱欲度愁攀緣

蓋願事碧鷄

之使

王褒傳方士言益州有碧鷄金馬之寶可祭祀致也宣帝使褒往祭焉注金形似馬碧形似鷄也王

襄碧鷄頌曰持節使王褒謹拜南崖敬移金精神馬縹
碧之鷄處南之荒深谿迴谷非士之鄉歸來歸來漢德
無疆廉平唐虞澤配三皇左思蜀都賦金馬騁光而絕
景碧鷄儵忽而曜光後漢書西南夷傳越萬郡青蛉縣
禹同山有碧鷄金馬光景時時出見華陽國志碧
鷄光景人多見之杜詩如何碧鷄使把詔紫薇天雖神

索於大巫之側

莊子小巫見大巫拔茅而棄此其所以終身弗如也吳志張紘見桄榴枕愛其

文為作賦陳琳在北見之以示人曰此吾鄉里張子綱
所作也後紘見陳琳作武庫賦應機論與琳書深歎美
之琳答曰自僕在河北與天下隔此間率少於文章易
為雄伯故使僕受此過差之談非其實也今景興在此
足下與子布在彼所謂小巫見大巫神
氣盡矣杜詩不謂矜餘力還來謁大巫當氣蘇於君子

之前

杜詩計拙百僚下氣蘇君子前

嗟遠道胡為來哉幸將在此

蜀道難其

險也如此嗟爾遠道
之人胡為乎來哉
居是邦事其賢者儻或許之

上任中書

希夷○宋史本傳希夷字伯起其先眉州人四世祖伯雨為諫議大夫其後仕

閩因家邵武登淳熙三年進士第調浦城縣簿從
朱熹學開禧初主太常簿歷禮部尚書兼給事中
端明殿學士簽書樞密院參知政事謚宣獻時史
彌遠柄國專政希夷具員而已議者頗譏其拱嘿

披雲漢之天章夙見舍人之樣

東坡詩手扶雲漢分天章新唐書徐堅字元固

聖厯中東都留守楊再思王方慶共引為
判官屬文典厚再思每曰為鳳閣舍人樣
勒山林之俗

駕來瞻學士之真

孔稚圭北山移文請迴俗士駕為君
謝逋客言行錄蔡北海先生室禮字

叔厚公覃思於學問文章彊記默識繇唐虞三代以暨
國朝之隆君臣事迹如指諸掌視唐燕許常楊為不足

道上每曰慕某之文有體真學士也山谷詩玉
堂端要真學士須得儋州禿鬢翁蓋指東坡極知大

匠之門難飭小夫之牘

莊子小夫之知不離
苞苴竿牘詳見前

顧無藉手

左傳宣子私覲子產以玉與馬曰敢不藉手以拜子命
起舍夫玉是賜我玉而免我死也謂以玉馬藉手拜子

產應奉傳心馬憤邑
聊以藉手藉自夜反

輒用引吭

吭通作肱說文頸也鮑
照賦引圓吭之纖婉韓

詩引吭
吐鏗轟

竊聞師儒竝世之難

山谷次子瞻韻師儒竝世
難日月過箭疾史記仲尼

弟子列傳孔子數稱臧文仲
柳下惠然皆後之不竝世

類有今古殊時之歎韓昌

黎之於太白漫夜夢以晝思

韓詩李杜文章在光焰萬
丈長夜夢多見之晝思反

微茫

陳後山之於大蘇恨江空而歲晚

陳師道字無已號
後山送蘇公知杭

州詩平生羊荊州追送不作遠豈不畏簡書放麋誠不忍一代不數人百年能幾見昔如馬口銜今作禁門鍵一雨五月涼中宵大江滿風帆目力短江空歲年晚

今有文章之伯

杜詩每語見許文章伯

實在邦域之中公求士甚士之求公既聞命矣

東坡勤上人詩

集序歐陽公好士為天下第一有一言中於道不遠千里而求之者甚於士之求公以故能盡致天下豪傑

後視今猶今之視昔蓋往拜之

京房傳臣恐後之視今猶今之視前也王羲之

蘭亭序後之視今亦由今之視昔

伏念某氣懦弗張骨凡難換

歐詩換骨莫求

丹九轉榮名何待祿千鍾

一科十年之不補愧在無聞

韓昌黎復志賦哀白日之

不與吾謀兮至今十年其猶初豈不登名於一科兮曾不補其遺餘

半通五兩之甚甘止

於為養

法言食如蠶衣如華朱輪駟馬金朱煌煌無已泰乎曰由其德舜禹受天下不為泰不由其德

五兩之綸半通之銅亦泰矣注五兩之綸半通之銅皆有秩嗇夫之印綬印綬之微者也曾幾何日

竟失所天

趙壹傳寧當慢傲加于所天文選剖心摩踵以報所天蜀志卻正傳託身所天心焉是恃

陷皆腐膺僅能逃死

柳文創鉅痛仍號於穹旻排土濡涕頓首成墳陷膺皆寒暑在廬

草木悴死鳥獸躊躇

磨肌夏骨奚暇送窮

韓昌黎送窮文磨肌夏骨吐出心肝企足以待

實我讐冤祥琴翁忽以成聲

禮記祥之日鼓素琴告民有終也以節制者也又子張既除喪

而見予之琴和之而和彈之而成聲作曰先王制禮不敢不至焉又孔子既祥五日彈琴而不成聲十日而成笙歌祥祭名去凶即吉之義王臨川集祥琴既御吉服以朝東坡詩祥琴雖未調餘悲不敢留李白賦揮霍翁

忽

塵甌睢盱而望賜

范丹傳桓帝時以丹為菜蕪長不
到官遇黨人禁錮結草室而居有

時絕粒間里歌之曰甌中生塵范史雲釜中生魚范菜

蕪睢呼回切盱凶于切說文盱仰目也蒼頡篇張目貌

列子而睢睢而盱盱高誘注睢盱視聽貌王延壽賦鴻

濛濛略厥伏睢盱儲光義詩春光既蕩潏伏戰亦睢盱

心口相語但欲從小宰之銓

三國志心與口討韓詩手
摩袖拂心語口周禮天官

小宰中大夫二人說文銓衡也尚書銓掌七品以上選
侍郎銓掌八品以下選流外謂之小選小宰銓即侍郎

也銓面目可憎未敢作大鈞之問送窮文凡使吾面目可
憎語言無味者皆子之

志也劉禹錫問大鈞賦序孤居慮靜滯念歛起伊人理
之不可以曉也將質諸神乎謹貢誠馳精敢問大鈞

惟是忍見賢之渴

諸葛武侯傳總攬英雄思賢如渴
山谷詩空餘見賢心忍渴望梅嶺所

當修覲德之恭或聞庸下之姓名已辱暗中之摸索

林語

許敬宗性輕傲見人多忘之或謂其不聰曰卿自難記若遇何劉沈謝暗中摸索著亦可識

逢人必

項斯之說幾於神比而天同

道山清話余少時嘗與文潛在館中因看隋唐嘉話

見楊祭酒贈項斯詩云度度見詩詩總好今觀標格勝於詩平生不解藏人善到處逢人說項斯因問諸公唐時未聞項斯有詩名也文潛曰必不足觀楊君詩律已如此想其所好者皆此類也葛常之韻語陽秋云劉禹錫隋唐嘉話載楊祭酒贈項斯詩云云斯集中佳句如晚春花云疎與香風會細將泉影移別張籍云子城西竝宅御水北同渠拙惡有餘宜祭酒公謂標格勝於詩也祭酒乃敬之也其贈斯詩鄙俗如此與斯亦奚遠哉今按項斯字子遷江東人會昌四年進士為丹徒尉有詩一卷受知於張水部籍不獨楊敬之也唐人作主客

圖以李益為清奇雅正主張籍楊敬之為升堂客則敬之在唐與籍齊名文潛常之亦非定論也韓文感二鳥賦孰左右者為之伴直難浩然之呼特以職親而地近先信天同而神比

孟浩然為王右丞所知一日王待詔金鑾召浩然商較風雅上忽臨幸浩然錯愕伏牀下王不敢隱因奏聞上欣然召見命吟舊作浩然拜舞誦詩至不才明主棄之句上憮然曰卿自不求朕朕未嘗棄卿奈何誣朕因放歸南山東坡詩玉堂清冷不成眠伴直難呼孟浩然韓文吾時在翰林職親而地禁不敢相聞

之景行

詩高山仰止景行行止傳景大也箋景明也古人有高德如山者則仰慕之有明行者則而行

之鶴林玉露云景本訓明而世俗有景仰景慕之語失其義矣野客叢書云後漢書劉愷傳今愷景仰前修注景慕也則此謬其

感流水之賞音

呂氏春秋伯牙善鼓琴鍾子期善聽之方

來久矣詳別見

鼓琴志在泰山鍾子期曰善哉乎鼓琴巍巍乎如泰山志在流水鍾子期曰善哉乎鼓琴洋洋乎志在流水鍾子期死伯牙擗琴絕絃終身不復鼓琴為世無足鼓琴者也潘岳夏常侍誄雖實唱高猶賞爾音山谷詩寂寞吾道付萬世忍樂莫樂兮相知安有又傲翰林之理屈向時人覓賞音

九歌悲莫悲兮生別離樂莫樂兮新相知韓文韓愈亦人耳彼傲宰相又傲翰林其將何求必不然見所

見而後去姑慰不願封侯之心

嵇康傳康居貧與向秀共鍛於大樹之下以自

贍給鍾會往造焉康不為之禮良久會去康謂曰何所聞而來何所見而去會曰聞所聞而來見所見而去會以此憾之李白與韓荆州書白聞天下談士相聚而言曰生不用封萬戶侯但願一識韓荆州何令人之景慕一至於恭惟某官學冠儒縵道航聖瀆濟乎瀆者未矣

此耶

恭惟某官學冠儒縵道航聖瀆

法言舍舟航而濟乎瀆者未矣

舍五經而濟乎道者未矣

家故雄於四蜀

巴蜀黔漢為四蜀

誰敢齒於諸任

左傳周之宗盟異姓為後寡人若朝於薛不敢與諸任齒

騎鯨暫駐於九龍

說文鯨海大魚

也春秋後語宋玉對楚王曰鯨魚朝發崑崙之墟暮宿孟津尺澤之鯢豈能與量江漢之大哉杜詩若逢李白

騎鯨魚道甫問訊今何如東坡詩願持空手去獨控橫山鯨

振鬣遂暗於萬馬

東坡三馬

贊時西域貢異馬首高八尺龍顙而鳳膺虎脊而豹章出東華門入天驕監振鬣長鳴萬馬皆暗父老縱觀以為未始見也芥隱筆記云劉夢得稱韓文周情孔思心云鸞鳳一鳴蜩蟬革音東坡字法叅此

傳先聖之不傳

李漢韓文序曰先王潔周情孔思

宋豔班香文到古人

之未到

杜牧示姪阿宜詩高摘屈宋豔濃薰班馬香李杜泛浩浩韓柳摩蒼蒼韓文辱示初筮賦實有

意思但力為之
古人不難到

久於詳試

蕭望之傳欲詳試其政事復以為左馮翊

昨乃遄

歸詩式遄其歸遄速也

士則快於睹先

韓文朝廷之士引領東望若景

星鳳凰之始見也

帝已嗟於見晚

見上鄭參政條

能典朕禮咨

伯直清

尚書咨四岳有能典朕三禮又夙夜惟寅直哉惟清

肯從吾兒煩君調護

留侯傳四人從太子年皆八十餘上大驚曰吾求公數歲公避逃我今公何事從吾兒游乎煩公幸卒調護太

子玉堂草罷又吟紅藥之翻

揚雄傳上玉堂注黃圖有大玉堂小玉堂殿元城語

錄太宗以玉堂之設其來尚矣但虛傳其號而無正名乃飛白書玉堂之署四字以賜馬夢溪筆談故事堂中設視草臺每草制則具衣冠據堂而坐今但存空臺謝元暉直中書省詩紅藥當堦翻蒼苔依砌上紅藥謂紅

乃金匱紬餘還對紫薇之伴司馬遷傳紬史記石室金

胃鑽與匱同通典中書之官舊矣謂之中書省自晉魏始後魏謂之西臺隋初改為內史省光宅元年改為鳳

閣開化元年改為紫薇省岑參詩三殿花彼智效一官

而不足莊子故夫知效一官行比一鄉德合一此身兼

數器而有餘薛宣傳經術文雅足以謀王體斷人望一

條之冰其容已肅王君玉國老談苑陳彭年在翰林所

署銜為一條冰公傍九霄之月所樂不存杜詩星臨萬戶豈非

為天子之私人實持公議新唐書百官志翰林學士專

伐皆用白麻其後選用益重而禮過
益親至號為內相又以為天子私人
行且作清廟之近

彌尤佩遠憂

詩序清廟祀文王也鄭箋清廟者祭有清
明之德者之宮也天德清明文王象焉故

祭之而歌
此詩也

今外夷訐阻之時

訐音虹說文讀也詩蝨賊
內訐增韻亂也通作虹詩

實虹正中國圖回之日

荀子圖回天下於掌上而辨白
黑注回轉也言圖謀運轉天下

之事如在
掌上也

天地亦大矣保邦當在於未危

老子天大地
大王亦大尚

書制治於未亂
保邦於未危

人物方眇然求才不嫌於太廣

王逸少
帖蔡公

遂委篤深可憂當今人物眇然而艱疾若此令人短氣
山谷詩門無行媒迹草木傷憔悴人物方眇然誰能委
圭幣又馬當一曲孤煙人物于今眇然蔡光
啓詩人物於今數眇然孤墳宿草已生煙
與其待倉

猝而市三年之艾

猝通作卒說文夫從草暴出逐人也宋名臣言行錄范忠宣公純仁嘗曰

人材難得欲隨事有用則緩急無以應手七年之病求三年之艾非儲之以待如病者何故雅以人才為已任每有引薦必先公議及其至也內舉有

不若及閒暇而

滋九畹之蘭

說文畹田二十畝也集韻韻會田三十畝曰畹離騷經余既滋蘭之九畹兮又樹蕙

之百畹王逸注畹十二畝韓詩樹時來為之新唐書張

蘭盈九畹梁盧薜詩滋蘭成秀畹

時來為之

嘉貞傳秘

書監姜皎得罪張嘉貞附會權幸請加詔杖俄而皎死後廣州都督裴仙先下獄帝問法當何如嘉貞復援皎例張說進曰臣聞刑不上大夫士可殺不可辱皎事既不可追仙先豈容復濫上然其言嘉貞退謂說曰何言事之深也說曰宰相者時來即為之豈能長據若貴臣盡當可杖恐吾等行當及之魏志劉廙傳遭乾坤之靈

值時來之運晉書賈充傳贊邀遇時來遂階榮命晉書
載記慕容垂傳但時來之運未至故韜光俟奮耳北史
于謹傳州縣之職昔人所鄙台鼎之位須待時來南天
史膺時來之運劉長卿詩勿謂州縣卑時來自為用天
下幸甚

丙吉傳決定大策天下幸甚東坡賀韓丞相
啓四方聳觀萬口同慶天下幸甚天下幸甚

某

貌無可贅輒誦所聞幽桂遺榛管底敢累犯嚴之口

音榛

臻說文果實如小栗又木叢生貌管音官說文茅也爾
雅白華野菅昌黎雪後寄崔斯立詩藍田十月雪塞關
我興南望愁羣山攢天鬼鬼凍相映君乃寄命於其間
秩卑俸薄食口衆豈有酒食開容顏殿前羣公賜食罷
驂騑踟路驕且閑稱多量少鑒裁密宜念幽桂
遺榛管幾欲犯嚴出薦口氣象碑兀未可攀

江梅託

桃李但欲薰自潔之香

山谷上東坡詩江梅有佳實託
根桃李場桃李終不言朝露借

恩光孤芳忌皎潔冰雪空自香古來和鼎實此物升廟廊杜牧之詩濃薰班馬香山谷詩然以明哲之火熏以忠信之香又頗熏見知香陳後山詩松篁有節元宜晚桃李無蹊只自薰

上吳宣撫

獵○宋史吳獵字德夫潭州醴陵人登進士第初主潯州平南簿時張栻經略

廣西檄攝靜江府教授知常州無錫縣用陳傅良薦召試守正字光宗久不覲重華宮上疏切諫又白宰相留正乞召朱熹楊萬里時陳傅良以言過宮事不行求去獵切責之傅良改容謝會偽學禁興獵言陛下臨御未數月今日出一紙去宰相明日出一紙去諫臣昨又聞侍講朱熹以御札畀祠中外惶駭謂事不出於中書是謂亂政獵既駁史浩謚又請以張浚配享阜陵議皆不合出為江西轉運判官尋劾罷久之黨禁弛起為廣西轉運判官除戶部員外郎總領湖廣江西京西財賦除秘

閣修撰主管荆湖北路安撫司公事知江陵府金人園襄陽朝廷命獵節制本路兵馬加寶謨閣待制京湖宣撫使吳曦俄反於蜀警報至獵請魏了翁攝參議官訪以西事募死士入竟陵命其將王宗廉死守調大軍及忠義保捷分道夾擊金人遂去又督董達等援德安董世雄孟宗政等解襄陽之圍西事方殷獵為討叛計請于朝以王大才彭輅任西事仍分兵抗均房諸險漕粟歸峽以待王師及曦誅除刑部侍郎充四川宣諭使朝廷命旌別淑慝以敷文閣學士四川安撫制置使兼知成都府嘉定六年召還卒家無餘貲蜀人思其政畫像祠之獵初從張栻學乾道初朱熹會栻於潭獵又親炙湖湘之學一出於正獵實表率之有畏齋文集奏議六十卷諡文定○陶朱新錄韓侂冑作偽學逆黨籍頒行天下獵列名其間詳啓意乃任寧鄉主簿作

祭主簿之竈揆分已庠

孫寶傳寶以明經為郡吏御史大夫張忠辟寶為屬欲令授子

經更為除舍設儲侍寶自劾去忠固還之心內不平後署寶主簿徙入舍祭竈請比隣忠陰察怪之使所親問寶前大夫為君設除大舍子自劾去者欲為高節也今兩府高士俗不為主簿子既為之徙舍甚悅何前後不相副也寶曰高士不為主簿而大夫君以寶為可一府莫言非士安得獨自高且不遭者可無不為況主簿乎

升侍郎之階見賢有耀

韓詩升階揖侍郎歸舍日未敢

未之藉手

見上條

率爾脩辭竊以平生識元魯山便無他憾

新唐書卓行傳元德秀字

紫芝河南人質厚少緣飾少孤事母孝舉進士不忍去左右自負母入京師既擢第母亡以不及親在而婚終身不娶兄子襁褓喪親無貲得乳媪德秀自乳之數日湮流能食乃止既長將為娶家苦貧乃求為魯山令房

綰每見德秀歎曰見紫芝眉宇使人名利之心都盡蘇源明嘗語人曰吾不幸生衰俗所不恥者識元紫芝也及卒李華謚曰文行先生天下高其行不名謂之元魯山於人見歐陽子乃謂竒逢樂城集上韓太尉書轍之來也於山見終南嵩華之高於水見黃河之大且深於人見歐陽公而猶以為未見太尉也故願得觀賢人之光耀

三復師儒並世難之詩

見前

再歌生世何

用早之句

陳後山觀六一堂圖書詩生世何用早我已後此翁頗識門下士略已聞其風

江濤

如此孰能百斛而獨扛

謝安傳嘗與孫綽等汎海風起浪湧安吟詠自若舟人以安為

悅猶去不止安徐曰如此將安歸耶宋朱新仲詩風濤如此亦安歸韓詩龍文百斛鼎筆力可獨扛

人物

眇然誰可一洗乎萬古

杜詩一洗萬古凡馬空餘見前

疑山川之沉寂

恐宇宙之次寥

尸子天地四方曰宇往古來今曰宙司馬相如傳追怪物出宇宙次呼決切九

辨次寥兮天高而氣清韻會次寥空貌

適我願兮

詩邂逅相遇適我願兮

在此行矣

左傳虞不獵矣在此行也又衣身之偏握兵之要在此行也

恭惟某官肝膽一劍

韓詩

肝膽一古劍波濤兩浮萍

精神五兵

韓詩腸胃繞萬象精神驅五兵

言行擇君子之

中庸德業得賢人之久大

繫辭可久賢人之德可大賢人之業

涕唾富貴

韓文不啻如棄涕唾無一分顧藉心

談笑功名蜀道天高久已放龜而縱

鶴

葉石林詩話趙清獻公以清德服一世平生蓄雷氏琴一張鶴與白龜各一所向與之俱始除帥成都公

單車就道以琴鶴龜自隨元豐間再移蜀以龜投淮水故其詩曰馬尋舊路知歸去龜放長淮不復來張九成

橫浦語錄趙清獻帥蜀乃以一琴一鶴一龜自隨想其致可知及再帥蜀縱鶴放龜想又以為累矣自是渠清處入妙

長沙地褊不妨狎鷺而馴鷗

漢書注長沙王來朝稱壽歌舞但張袖小

舉手上問之曰臣國小地狹不足回旋列子海上之人好鷗者每旦之海上從鷗鳥游鷗鳥之至者百數而不止其父曰吾聞鷗鳥皆從汝游取來吾玩之明日之海上鷗鳥舞而不下杜詩白鷗波浩蕩萬里誰能馴山谷詩老驥心猶在白鷗盟已寒又唯有白鷗盟未寒又此心吾與白鷗盟又輕鷗白鷺定吾友

新詔祿

於壽宮

玉清萬壽宮宋徽宗建乃命宰執兼使副用真宗玉清昭應宮故事也

表眷懷於

宣室

賈誼傳文帝思賈誼徵之至入見上方受釐坐宣室未央前正室也東方朔傳宣室先帝之正處也

何武陳湯王嘉皆召見宣室西京賦宣室玉堂譬衆星之拱極刑法志上常幸宣室注布政教之室也

今

天下尚有可為之事無競維人

詩無競維人四方其訓之注言人君為國無疆

乎維在得其賢人若得賢人則國家彊矣餘見上魏運使條

凡海內所謂不獲之夫

豈勝其衆能風霆於庶物

禮記風霆流行庶物露生霆雷也謂地以神氣風雷之等

流布其行庶衆也言衆物感此神氣風霆之形露見而生人君法此地之生物事奉之以為教也

必霖

雨於四方

尚書若歲大旱用汝作霖雨

天之大任是人恐不免耳

謝安

傳安妻劉惔妹也既見家門富貴而安獨靜退乃謂曰大丈夫不如此也安揜鼻曰恐不免耳

道之將

行也命孰能止之某鹿鹿無庸

見上鄭參政條

狙狙有志

韓文曜

狙狙狙七餘切

半生拙學已不計班賁之崇庠

韓文若夫商財賄之有無計班

質之崇庠是所謂詰匠氏之不以杙為楹
而訾醫師以昌陽引年欲進其菝苓也
一世偉人所

願觀道德於前後

魏志鍾繇傳文帝即位遷太尉封平陽鄉侯時司徒華歆司空王朗並先

世名臣文帝謂左右曰此三公者乃一代之偉人也後世殆難繼矣南史何炯傳從兄戢謂人曰此子非止吾門之實亦為一代偉人范文正公王元之像贊昔王文正公居宰府二十年未嘗見愛惡之迹天下謂之大雅冠萊公左右天子却契丹保社稷天下謂之至忠樞密馬公慷慨立朝有犯無隱天下謂之正直此三君子者一代之偉人也韓文三為屬吏時經騷騷忍渴韻會騷五年觀道德於前後聽教誨於左右騷騷忍渴愁也東坡詩夜牕騷騷開風竹賀賀望塵禮記有餓者蒙袂輯屨賀賀然來注賀賀山谷詩忍渴望梅嶺目不明之貌趙咨傳望塵不及南史何點然李生之從傳豫章王尚望塵不及吾當望岫息心

事湖南知會計當而已矣

韓文送湖南李正字序李果生自湖南從事請告來覲

吳公之召置門下豈遙增擊而去之

賈誼傳年十八以能誦詩書屬文稱

於郡中河南守吳公聞其秀材召置門下弔屈原賦見細德之險微兮遙增擊而去之增漢書作增注增重也言見苛細之人險阨之證故重擊其羽而高去

上曾運使

槃○詳啓意蓋為寧鄉簿時作

一行作吏俗莫俗於簿書

嵇康傳一行作吏此事便廢梁書何胤傳一行為吏此事

遂六轡觀風華莫華於禮樂

詩六轡如濡禮記命太史陳詩以觀民風王莽傳遣

使分行天下覽觀風俗唐貞觀八年分遣蕭瑀李靖楊恭仁王珪竇靜李大寬劉德威皇甫無逸韋挺李襲譽

張亮杜正倫趙智等巡省天下延問疾苦觀風俗之得失察刑政之苛弊詩序皇皇者華君之遣使臣也送之以禮樂言遠

恃在鎔之所鑄

董仲舒傳夫上之化下下之從上猶泥之在鈞惟甄

者之所為猶金之在鎔惟冶者之所鑄

忘躍冶之不祥

莊子今大冶鑄金金踊躍曰我且為

鎔鉚大冶必以不祥之金

斐然脩辭持此徼福

左傳天惠徼福於敝邑之社稷辱收

寡君又寡君願徼福於周公魯公以事君又徼福於太公丁公又徼福於厲宣桓武又徼福於先君獻穆又惠徼周公之福徼堅

伏念某材庫莫亢

庫說文中伏舍徐曰低小屋通作卑

詩謂山蓋庫質窳無奇

窳說文污窳也史記舜陶河濱器不苦窳

長鏡掘黃獨之

苗只傷地脉

杜詩長鏡長鏡白木柄我生托子以為命黃獨無苗山雪盛短衣數挽不掩脰黃獨

俗名土芋根惟一顆而色黃故謂之黃獨山谷云往時
儒者不解黃獨義改為黃精學者承之以余攷之蓋黃
獨是也本草赭魁肉白皮黃色巴漢人蒸食之江東謂
之土芋江西謂之土卵蒸食之類芋魁南州多食之
而俗人改曰黃精子美流離未至作道人劍客食
黃精也史記蒙恬傳此其中不能無傷地脉哉

短檠

喧綠幕之讀徒損天和

韓詩長檠八尺空自長短檠二尺便且先黃簷綠幕朱戶閉風

露氣入秋堂涼太學儒生東魯客三十辭家來射策夜
書細字綴語言兩目眇昏頭雪白此時提攜當案前看
書到曉那能眠一朝富貴還自恣長檠高張照珠翠又
囊空甑倒誰救之我今一食日還併自然憂氣損天和
安得康強保天性東坡
詩恐君雕琢傷天和
苦無計以養親遂強顏而干祿
司馬遷傳言不辱者所謂強顏耳
劉向雜事此天下強顏女子也
一科不補漫得雉於

喝盧

韓詩豈不登名於一科今曾不補其遺餘晉書劉毅於東府聚樗蒲大擲一判應至數百萬餘人竝

黑犢以還唯劉裕及毅在後毅次擲得雉大喜褰衣繞床大呼謂同坐曰非不能盧不事此耳裕惡之因授五木久之曰老兄試為卿答既而四子俱黑其一子轉躍未定裕厲聲喝之即成盧毅意殊不快南史顏師伯為侍中孝武與樗蒲帝得雉大悅謂必勝師伯後得盧帝失色師伯遽斂手曰幾得盧

五技已窮欲

屠龍而單產

荀子梧鼠五技而窮宋王楙野客叢書云今讀荀子梧鼠為貓鼠之鼠藝文類聚亦

編入鼠門僕攷之乃螻蛄非鼠也案本草廣雅皆謂荀之梧鼠為螻蛄一名碩鼠易晉如碩鼠孔穎達正義引蔡邕勸學篇云碩鼠吾能不成一技注云能飛不能上屋能緣不能窮木能游不能度谷能穴不能藏身能走不能先人荀子梧鼠五技而窮竝為螻蛄也魏詩碩鼠刺重斂皆謂大鼠則爾雅所謂碩鼠閭中呼為鼯鼠陸

機云今河東有大鼠能人立交前兩足於頸上跳舞善鳴食人禾苗逐則走木空中亦有五技或謂之雀鼠然則螻蛄與此鼠同名碩鼠皆有五技但螻蛄技窮而此鼠技不窮耳陸佃埤雅謂五技而窮者為飛生與諸說異今按飛生人多不解為何物宋江陵幾雜志云先君知鳳翔府竹園中得一物如蝙蝠巨如大鴟有識者云此鼯鼠也一名飛生飛而生子每欲飛則緣樹至顛能下不能高也莊子朱泚漫學屠龍於支離益單千金之下家三年技成而無所騷屑倚門之望騷說文擾也爾雅用其巧注單盡也騷屑倚門之望動也檀弓騷騷注急疾貌屑說文動作切切也方言屑屑不安也郭璞曰往來貌梁吳筠詩仲秋黃葉下長風正騷屑杜詩撫跡猶酸辛平人固騷屑又干戈況騷屑史記王孫賈母曰汝朝出而晚來吾倚門而望唐王泠然詩恨見高堂上朝朝獨卑陬祭竈之謀陬將侯切莊子子貢卑陬失色倚門

韓詩棲棲法曹

趨蹌閣前之鈴僅逃箠楚

詩巧趨蹌兮正義云巧為

步趨其舉動蹌然行而張足曰趨今之捷步禮有徐趨疾趨韓詩趨蹌閣前鈴太守有鈴閣羊祜傳鈴閣之下侍衛不過十數人野客叢書云杜詩脫身簿尉中始與箠楚辭鮑注曰非謂簿尉受杖杖有罪者耳僕謂不然官屬受杖其來久矣後漢戴宏為郡督郵曾以職事見詰府君欲撻之云云三國志黃蓋為守長署兩掾教曰若有姦欺終不加以鞭杖宜各盡心此屬官受杖之明驗也自晉至唐此類尤多晉書向雄傳雄初仕郡為主簿太守劉毅嘗以非罪笞雄後與毅俱為侍中初不交言北史庫狄連為鄭州刺史開府參軍皆加捶撻魏收為中外府主簿頻被撻楚唐書邕州經略使陳曇怒判官劉緩杖之二十五而卒浙西觀察使韓臯封杖決安吉令孫解臂杖十下而死劉晏考所部官六品以下杖訖而奏杜牧之詩云參軍與縣尉塵土驚助勸一語不

中治筭筭滿身瘡韓退之詩云判司卑官不堪說未免
捶楚塵埃間舉此以驗杜詩之意可見豈謂杖有罪者

哉倚賴天涯之釣大隔波濤

杜詩二儀積風雨百谷漏波濤舍弟卑棲邑防川領

簿曹又倚賴天涯釣猶能掣巨鰲

我有二天

三輔決錄蘇章為冀州刺史行部有故人為清河太

守案得其姦貨乃設酒接以溫顏太守喜曰人各有一天我獨有二天章曰今日蘇孺文與故人歡飲私恩也

明日冀州刺史白奏事

今既數月幸樓臺之近水

詩話

正公鎮錢塘蘇鱗為屬縣巡檢城中兵官往往皆獲薦書鱗在外邑未見收錄因公事入府獻詩曰近水樓臺

先得月向陽花木

盍桃李之托根

宋廣平梅花賦序嗚呼斯梅託根非其所

山谷詩江梅有佳

薰南豐之香人爭出其門下

杜牧詩

實托根桃李場

濃薰班

馬香陳後山觀六一堂圖書詩向來一辦香敬為曾認
南豐韓文諸公貴人爭欲令出我門下交口薦譽之

西江之派我未免為鄉人

呂居仁集歌詩至豫章始大出學者同作共和錄其名曰

江西宗派以其源流皆出豫章也其次曰陳無已潘邠
老謝無逸洪龜父饒德操何正平徐師川林子仁洪玉
父汪信民李希聲韓子蒼李商老晁師川何正平曰吾
乃居行間乎子蒼云我自學古人夏均父又以在下列
為恥漁隱叢話呂居仁近世以詩得名自言傳衣江西
作宗派圖自山谷以下列陳無已等二十五人為法嗣
楊廷秀江西宗派詩序云江西宗派詩者詩江西也人
非皆江西也人非皆江西而詩曰江西者何繫之也繫
之者何以味不以形也文獻通考江西詩派一百三十
七卷續派二十卷黃山谷而下三十五家又曾絃曾思
父子
試伸仰首之鳴

韓文今有有力者當其前矣聊試
仰首一鳴號馬庸詎知有力者不

哀其窮而忘一舉手一投足之勞而轉
之清波乎柳文仰首伸吭張目而視

庸卜終身之遇

恭惟某官眼高四海

東坡詩眼高四海空無人

筆落九天

山谷懷淵明詩空餘

詩語工落筆九天上

惟其有之種種文清之似

詩惟其有之是以似之宋史曾幾字

吉甫其先贛州人徙河南府幼有識度入太學有聲兄
弼提舉學事渡江溺死幾以遺澤補官銓試第一賜上
舍出身除校書郎林靈素得幸朝士爭趨之幾稱疾不
往視靖康初提舉淮東茶鹽高宗即位改提舉湖北徙
廣西運判江西提刑又改浙西會兄開為禮部侍郎與
秦檜力爭和議檜怒開去幾亦罷僑居上饒七年檜死
起為浙西提刑知台州治尚清淨民安之賀允中薦召
對帝大悅授秘書少監幾承平時已為館職去三十八
年而復至鬚鬢皓白衣冠偉然權禮部侍郎孝宗受禪
幾又上疏數千言將召屢請老乃遷通奉大夫致仕卒

謚文清按宋曾氏三望最初溫陵宣靖公公亮明仲次南豐舍人鞏子固兄弟然其祖致堯起家也在溫陵之

先其後則族也繇來久矣源源忠恕之傳薛宣傳日至吏以休息所繇來久翼

奉傳所繇來久不改其本司馬遷傳所從來遠矣宜供奉於軒墀新唐書李白傳有詔供奉

翰林東坡詩供奉清班非老處會稽何日乞方回新唐書百官志以中書務劇文書多壅滯乃選文學之士號

翰林供奉與集賢院學士分掌制誥書勅開元二十六年改翰林供奉為學士顧馳驅於原隰

見無波古井浸秀水之芙蓉白樂天贈元微之詩無波古井水有節秋竹竿一為

同心友三及芳歲闌孟郊詩妾心古井水波瀾誓不起東坡詩年來煩惱盡古井無由波李詩清水出芙蓉天

然去有腳陽春轉光風於蘭蕙開元遺事人謂宋璟為有腳陽春言所至之處

如陽春及物也宋玉招

雲開衡嶽

韓詩五岳祭秩皆三

魂光風轉蕙汎崇蘭些

雲開衡嶽

公四方環鎮嵩當中

噴雲泄霧藏半腹雖有絕頂誰能窮我來正逢秋雨節

陰氣晦昧無清風潛心默禱若有應豈非正直能感通

須臾靜掃衆峯出仰見突兀撐青空蘇文公星聚壽沙

之精誠能開衡嶽之雲而不能回憲宗之惑

星聚壽沙

晉天文志長沙一星在軫之中

治不收聲各使安其田

里韓文治不收聲事常出名上循吏傳庶民所以各安

其田里而亡歎息愁恨之聲者政平訟理也與我共

此者其惟良民無遺便皆自得於湖山

韓文韋丹墓志

二千石乎

民無遺便皆自得於湖山

居三年于江西

八州無遺便新修滕王閣記春生秋殺陽開陰閉令

修於戶庭數日之間而人自得於湖山千里之外六

條遠瞻於風稜

漢百官表武帝元封五年初置郡刺史

掌奉詔條察州治一條強宗豪右田宅

踰制以強凌弱以衆暴寡二條二千石不奉詔書遵承
典制倍公向私旁詔守利侵漁百姓聚斂為姦三條二
千石不卹疑獄風厲殺人怒則任刑喜則淫賞煩擾刻
暴剝截黎元為百姓所疾山崩石裂妖祥訛言四條二
千石選署不平苟阿所愛蔽賢寵頑五條二千石子弟
恃怙勞勢請託所監六條二千石違公下比阿附豪強
通行賄賂割損正令也李廣傳威稜憺乎隣國
注神靈之威曰稜憺動也韓詩四海欽風稜

百吏莫

逃於水鏡

淮南子夫鏡水之與形接也不設智故而方
圓曲直弗能逃也襄陽記諸葛孔明為臥龍

龐士元為鳳雛司馬德操為水鏡皆龐德公語也晉書
樂廣傳衛瓘會朝之者舊適與魏正始中諸名士談論
見廣而奇之曰此人之水鏡見之瑩然若披雲霧而見
青天也北史蔡大寶見柳莊嘆曰襄陽水鏡復見於茲
山谷詩塞上金湯惟粟
粒胷中水鏡是人材
尚念某頃嘗執贄頗辱賞音
前見

無地置錐慙處囊之非穎

莊子堯舜有天下子無置錐之地史記枚臯傳舜無立錐

之地以有天下食貨志貧者無立錐之地史記平原君傳使遂蚤得處囊中乃脫穎而出非特其末見而已注穎環

留渴待井愧汲綆之不脩

曹植文渴而後穿井飢而後種植陳后山詩巧

手莫為無麪餅誰能留渴待遠井莊子褚小者不可以懷大綆短者不可以汲深荀子短綆不可以汲深井之泉劉向說苑夫短綆不可以汲深井知鮮不可以與聖人之言韓詩歸愚識夷塗汲古得脩綆與其索

大寒之裘

法言大寒而後索衣裘不亦晚乎

不若乞來年之麪

麪音炒糗也一

作麪東坡詩期君正似種宿麥忍餓待食來年麪注酉人呼搗麥屑為麪武帝元狩元年遣謁者勸種宿麥宿麥二字

本此

涓人買死馬首亦繫招徠

戰國策燕昭王見郭隗曰齊因孤國之亂

而襲破燕孤極知力小不足以報然得賢士與共國以
雪先王之恥孤之願也郭隗對曰王誠博選國中之賢
而朝其門下天下之士必趨於燕矣昭王曰寡人將誰
朝而可郭隗曰古之君人有以千金求千里馬者三年
不能得涓人請求之三月買千里馬馬已死買其首五
百金反以報君君大怒涓人對曰死馬且買之況生馬
乎馬今至矣不期年千里馬之至者三今王誠
欲致士先從隗始隗且見事況賢於隗者乎
生鶴翎盍歸啄菹
韓退之薦士詩鶴翎不天生變化在
啄菹通波非難圖尺地易可漕注菹

薄報切鳥伏
卵謂之菹

歸投之切敷敘奚殫

上董制置

居誼○董居誼字仁夫臨川人淳熙中
進士嘉定六年六月充賀金國生辰使

至金會彼有內變悉得其國中事宜以歸陞學士
四川制置使在蜀鎮靜不擾為政寬和民得安堵

按宋史嘉定七年三月以董居誼為四川制置使八年蘭州盜程彥暉求內附居誼卻之九年秦州人唐進與其徒何進等引衆十萬來歸居誼卻之十二年春詔居誼詣行在以聶子述代之金人犯洋州洋州破居誼自利州遁沔州三月興元軍士張福莫簡等作亂以紅巾為號四月福入利州聶子述遁殺總領楊九鼎居誼落職奪三官七月張福伏誅奪居誼二官永州居住崔與之傳成都帥董居誼以贖貨為叛卒所逐總領楊九鼎遇害蜀大擾叛卒即張福莫簡也鶴林王露云九鼎在蜀以刻剝致諸軍之怨軍士莫簡作亂殺九鼎以金銀實其腹曰使貪腹飽飫然則居誼九鼎俱贖貨之人同債蜀事公甫為居誼所辟又同郡人故往來啓劄多溢美云

四年再累於大鈞非言可謝

賈誼傳大鈞播物師古曰今造瓦者謂所轉者為鈞

董仲舒傳猶泥之在鈞惟甄者之所為師古曰甄作瓦之人鈞造瓦之法

有喜難名

杜詩元戎小隊出郊坰問柳尋花到野亭川合東西瞻使節地分南北任流萍竊聞

沒階之趨又須銜袖之贄

韓文文書銜袖賈島詩銜袖有新詩欲見張與韓獵

較固難於違俗效顰安得而成妍

顰亦作顰蹙也莊子西子病心而顰其里

之醜人見而美之亦捧心而顰里之富人見之閉門而不出貧人見之挈妻子而去之彼知美顰而不知顰之

所以

伏念某意廣才疎

孔融傳負其高氣志在靖難而才疎意廣迄無成功南史蕭惠

開傳才疎意廣竟無成功

名浮實淺

禮記君子恥名之浮於行也

諸公過聽雖欲

挽之振鷺之羣

詩振鷺于飛于彼西靡我客戾止亦有斯容注振振羣飛貌鷺白鳥也喻杞宋

之君有潔白之德來助祭於周之廟蔡邕傳鴻漸盈階振鷺充庭注喻潔白之士羣集君之朝也邊讓傳振鷺之集西雍濟一飽難諧敢望富於屠羊之肆山谷詩一飽事難諧

五車書作伴東坡集抱百年之永歎博一飽之無時莊子王謂司馬子綦曰屠羊說居處卑賤而陳義甚高子綦為我延之以三旌之位屠羊說曰夫三旌之位吾知其貴於屠羊之肆也萬鍾之祿吾知其富於屠羊之利也然豈可以貪爵祿而使吾君有妄施之名乎說不敢當願復反吾屠羊之肆徒感招徠之厚

遂忘跋履之勞經瞿塘灩澦之危寸心欲折瞿唐峽舊名西陵峽

乃三峽之門兩岸對峙中貫一江灩澦堆當其口寰宇記夔州灩澦堆在州之西蜀江中心瞿塘峽口冬水淺出二十餘丈夏水漲半沒灩澦歌云灩澦大如馬瞿塘不可下灩澦大如牛瞿塘不可流又云灩澦大如象瞿

塘不可上濫頤大如襍瞿塘不可觸謝靈運詩寸心若不諒微命察如絲杜詩寸心亦何有又戀主寸心明又以茲報主寸心赤又平生方寸心又羈絆心常折又歸心折大刀又心折此淹留又心折此時無一寸路迷何處問三秦別

上梁山桂林之峻雙腳已低

晉張載劔閣銘巖巖梁山

積石裁我遠屬荆衡近綴岷峨是曰劔閣壁立千仞窮地之險極路之峻桂林一名八柱又名八桂言八桂成柱也在不自意全

高帝紀不自意先入關吳王濞傳吾乘傳至此不自意全東坡集七年遠

臨不自意全萬里生還適有天幸

得至公側

韓文何由致其側就新儒而

悼前猛詎應寄斂退於趨營

韓詩斂退就新儒趨營悼前猛歸愚識夷塗汲古得

脩酬知已而效小忠或可因蹉跎而束縛

杜詩束縛酬知已蹉跎效

小忠周防期稍太簡遂勿勿

茲蓋伏遇某官求士為國與物為春

莊子

使神滔蕩而不失其充日夜無傷而與物為春注與物為春言養物也

網羅蜀珍既厚楓

柞桺櫨之蓄

楓音風說文厚葉弱枝善搖西京賦木則梓槭梗楓吳都賦木則楓桺豫章柞音柞

漢五柞宮用木以名詩柞槭斯拔桺如占切上林賦華楓枰

櫨師古曰今黃櫨木也南都賦楓收拾鄭璞欲置璆鐵

銀鏤之間

戰國策應侯曰鄭人謂玉未理者璞周人謂鼠未腊者璞周人懷璞過鄭賈曰欲買璞乎

鄭賈曰欲之出其璞乃鼠也因謝不取任昉王文憲公集序一眇之榮鄭璞踰於周鼎互見尹文子及漢書應

奉傳尚書梁州厥貢鏐鐵銀鏤若磬爾雅璆琳玉也郭璞云美玉之別名鏤鋼鐵可以刻鏤

況如鄉

里之小兒

陶潛傳潛為彭澤令郡遣督郵至縣吏白應束帶見之潛歎曰吾不能為五斗米折腰李

拳事鄉里小兒邪杜詩五陵豪貴反顛倒鄉里小兒狐

白裘陸務觀老學庵筆記晉語兒人二字通用桓溫行

經王敦墓曰可兒可兒蓋以可人為可兒也故晉書及

孫綽與庾諒箋皆作可人淵明不肯束帶見鄉里小兒

亦謂小

乃是門牆之舊物

法言倚門牆則麾之左傳祀夏配天不失舊物王獻之傳

人耳

青瓊我撰書辭具馬幣既加繾綣之誠

韓文於是誤書詞具馬幣卜日

以授使者求先生之廬而請馬詩無縱詭隨以謹繾綣

說文不相離也集韻繾綣綿貌侯景傳繾綣衿期綢繆寤

語

防瘴癘養形神乃委駢蕃之貺

韓詩遺我數幅書繼以藥物珍藥物防瘴

厲書勸養形神左傳

肺腑固知於銘德

肺腑或作附通作附劉向傳幸得

託肺腑田蚡傳以肺腑為相衛青傳以肺附待罪行間
注如肝肺之相附著猶言心膂也王莽傳伏自惟念得
託肺腑魏志夏侯
尚傳以親舊肺腑
頂踵何足以酬知
劉賓客集摩頂某

敢不思稱使令圖惟忠益蓋在元戎所自辟於天子豈

欲收蛇雀之恩

韓文書記之任亦難矣非宏辯通敏兼
人之材莫宜居之然皆元戎自辟然後

命於天子苟其帥之不文則其所辟或不當亦其理宜
也搜神記隋侯見大蛇傷救而治之蛇銜珠以報徑盈
寸純白而夜光可以燭堂楊震傳注續齊諧記曰震父
寶年九歲時至華陰山北見一黃雀為鷗鵠所搏墮於
樹下為螻蟻所困寶收歸置巾箱中唯食黃花百餘日
毛羽成乃飛去其夜有黃衣童子向寶再拜曰我西王
母使者君仁愛救拯實感成濟以白環三枚與寶令君
子孫潔白位登三事當如此環矣其後楊氏世傳黃雀

所銜玉環至天寶中為楊國忠所奪不知所在賂賈王
啓陰山之雀敢懷殄瘼之心漢東之蛇期致投珠之報
惟先生無圖利於大夫庶或盡鷄夫之報

韓文使先生無圖利於大

夫而私便其身圖史記孟嘗君傳秦昭王囚孟嘗君欲
殺之孟嘗君使人抵昭王幸姬求解幸姬曰願得君狐
白裘孟嘗君有一裘獻之昭王更無他裘客有能為狗
盜者乃夜為狗以入秦宮藏中取出以獻孟嘗君得出
夜半至函谷關昭王悔使人追之關法鷄鳴出客孟嘗
君恐追至客有能為鷄鳴而鷄盡鳴遂發傳出始孟嘗
君引此二人於賓客賓客盡羞之及有秦難卒此二人
拔之自是之後賓客皆服孟嘗君韓詩進之雞犬效

上李侍郎

臺○眉州志臺丹稜人憲第四子舉進士入為館職文聲赫然班對備陳忠諫

為沿制置副使開闢于鄂甚得江漢之心入為禮部尚書資政殿學士卒諡文肅所著有悅齋集○

宋史寧宗嘉定四年四川制置大使司置安邊司以經制蠻事命成都路提刑李璣潼川路安撫許奕共領之理宗紹定四年以李璣為煥章閣直學士四川制置使知成都府六年詔崔與之李璣鄭性之赴闕嘉熙元年以李璣同知樞密院事四川宣撫使二年詔近覽李璣奏知蜀漸次收復然殘創之餘撫綏為急其降德音諭朕軫恤之意四月以李璣同簽樞密院事督視江淮京湖軍馬是年璣薨特贈資政殿大學士○周密癸辛雜識云蜀中類試主司多與士人相約為暗號中朝亦有之而蜀以為常李壁李章璣李永同登庚戌科己酉類試二公皆以文名而律賦非所長鄉人侯某者以能賦稱因資之潤色既書卷不以詩示侯侯疑其必有為將出門故少留李遂先出侯踵其後至納卷所以小金牌與吏取二李卷一觀則景聯皆曰日射紅鸞扇風清白獸尊侯即改用之遂皆中

選由此觀之則科場關節繇來久矣二李以名父
之子拔萃之材尚由此進何怪么膺小醜乎因漫
及之以
為世慨

捧從事之檄假道不專

杜氏通典郡國從事史每郡國各一人漢制也主督促文書

舉非法後漢朱震為州從事奏太守單匡賊罪管輅別
傳刺史裴徽檄召輅為文學從事事典略張楊靈帝時為
并州武猛從事盧江七賢傳陳眾辟州從事有劇賊淳
于臨等數千人攻縣州牧惶怖眾乘單車駕白馬諭賊
降之民立生祠曰白馬從事應劭漢官儀司隸都官從
事掌洛陽中百姓晉書孟嘉傳轉勸學從事鍾離意別
傳三辟從事謝承後漢書周樹達於法善能解煩釋疑
八辟從事東觀漢記樊準為別駕從事世稱冰清杜詩
將軍昔著從事衫檄刑狄切說文二尺書後漢書毛義
少節家貧以孝行稱張奉慕其名往候之坐定而府檄

適至以義守令義捧檄而入注檄名書也袁安傳初為縣功曹奉檄從事從事因安致書於令安曰公事自有郵驛私請則非公曹所持辭不肯受注每州刺史皆有從事史趙陞傳為縣吏奉檄迎督郵

升侍郎

之階見賢有便

韓詩升階揖侍郎歸舍日未歇

闕然藉手

莊子闕然數日不見餘見

上任中書條

率爾脩辭恭惟某官心契九秋

杜詩天寒奈九秋山谷詩霜落

園林失

文焰萬丈

韓詩李杜文章在光焰萬丈長

二螭坳處非仁義不

陳王前

新唐書百官志起居舍人分侍左右秉筆隨宰相入殿若仗在紫宸內閣則夾香案分立殿下

直第二螭首和墨濡筆皆在坳處時號螭頭螭抽知切說文若龍而黃北方謂之地螭或云無角曰螭宋趙彥衛雲麓漫抄云所謂螭首蓋殿陛間歷階石上鐫鑿之飾也

五鳳樓中有言語必妙

天下

五鳳樓唐宋皆有之通鑑開元二十三年上御五鳳樓酺宴元德秀傳玄宗在東都大酺五鳳樓下

宋會要兩京大內南面三門正南面曰五鳳樓國初建開寶元年御五鳳樓肆赦景德四年御五鳳樓觀酺祥符四年將賜酺有司請改五鳳樓名上曰太祖建樓因瑞應立名不可改也梁周翰五鳳樓賦五鳳翹翼若鵬運風雙龍蟠首若龍戴宮李詩隱隱五方餘色石列子地鳳樓賈捐之傳君房下筆言語妙天下列子亦物也物有不足故昔者女媧氏鍊五色石以補其闕山谷詩補天鍊五色忽觸佞山列子氏斷鼉足以立四極其後共工與顓頊爭天下怒觸不周山史記共工氏與祝融戰不勝而怒乃頭觸不周山崩天柱折地維缺女媧乃鍊五色石以遂橫野水之舟補天劉向傳用賢如轉石去佞如拔山

韋應物詩春潮帶雨晚來急野渡無人舟自橫司馬溫公詩話寇萊公才思融遠年十九進士及第初知巴東

縣有詩云野水無人渡
孤舟盡日橫為人贈灸

歸屹中流之柱

山谷砥柱銘跋云余觀砥柱之

屹中流閱頽波之東注有似乎君子士大夫立于世道
之風波可以託六尺之孤寄百里之命不以千乘之利
奪其大節則可以不為此石羞矣

道之將行也命孰能止之天將大任

是人恐不免耳

見前上吳宣撫條

暫輟北門之鑰

左傳鄭人使我掌其北門

之管注管鑰也王君王國老閒談寇準鎮大名府北使
路由之謂曰相公望重何以不在中書準曰主上以朝
廷無事北門鎖

來分東梓之符

唐改梓州為梓潼郡為東川節度使治所棠

棣之華固已生光於五馬

詩棠棣之華邠不韡韡凡今之人莫如兄弟南齊柳元策

兄弟五人皆領郡號五馬杜詩五馬
欄生光臺兄弟臺至壁塾皆知名

棟梁之器詎應回

首於萬牛

世說庾子高目和嶠森森如百丈松雖磊坎有節目施之大厦有棟梁之用杜詩大厦將

傾要梁棟萬牛回首邱山重

會乘閭闔之風

離騷經吾令帝閭開關兮倚閭闔而望余淮南

子排闥闔注閭闔始升天之門也易通卦驗秋分閭闔風至服虔曰兌音金其風閭闔

亟對眾愚

之月

眾房尤切說文免罟也揚雄羽獵賦張竟望之眾愚新茲切說文眾愚屏也細素雜記云漢文帝紀

未央宮東闕眾愚災顏師古曰謂連闕曲閣也以覆重刻垣墉之處其形眾愚然一曰屏也崔豹古今注眾愚屏也眾復也愚思也臣來朝君至門外當就舍更詳熟思所應對之事也唐蘇鶚演義云二說皆誤眾愚从奴是形不思是聲眾浮也愚絲也謂織絲之文輕疎浮虛象網羅交文之狀蓋宮殿簷戶之間也文宗實錄太和

中甘露之變羣臣奉使出殿北門裂斷眾愚而去杜甫天寶末詩云眾愚朝共落輪楠夜同傾溫庭筠補陳武

帝與王僧辨書眾罽畫卷閭闔晨開皆非曲閣屏障之意相如子虛賦眾網彌山此亦羅雀之網即眾罽為網不謬矣段成式酉陽雜俎云士林間多呼殿棖楠護雀網為眾罽其淺誤也如此禮記曰疏屏天子之廟飾鄭注云屏謂之樹今眾罽也刻之為雲氣蟲獸如今之闕張揖廣雅云眾罽謂之屏劉熙釋名曰眾罽在門外眾復也罽思也臣將入請事於此重複思之也漢書五行志文帝七年未央宮東閣眾罽災劉向以為眾罽在外諸侯之象後果七國舉兵又王莽性好時日小數遣使壞渭陵延陵園門眾罽曰使民無復思漢也魚豢魏略曰黃初三年築諸闕門外眾罽予自筮仕已來見搢紳數十人皆繆言眾罽事予謂二說皆通以眾罽為網則結繩為之施於宮殿楹門如蘇鶚之說是也以眾罽為屏則刻木為之施於城牆門闕之上如段成式之言是也然二說之中段說較長按五行志注云眾罽闕之屏也玉篇云眾罽樹屏門外也又云眾兔罽也但屏上雕

刻為之其形如網罟之狀故謂之罟罟宋子京詩云秋色入罟罟又云嵩嶽倚罟罟皆其義也東坡詩壁月挂

罟罟

某久於竊蔭甫此望塵

趙咨傳望塵不及潘岳傳望塵而拜

異人異書

不但慰望梅之渴

王充傳充好論說閉門潛思戶牖牆壁各置刀筆著論衡八十五篇袁山

松漢書充所作論衡中土未有傳者蔡邕入吳始得之恒秘玩以為談助其後王期為會稽太守又得其書及還許下時人稱其才進或曰不見異人當得異書問之果以論衡之益由是遂見傳焉抱朴子曰時人嫌蔡邕為異書或搜求其帳中隱處果得論衡抱數卷持去邕丁寧之曰唯我與爾共之勿廣也世說魏武行役失道軍皆渴乃令曰前有大梅林饒子甘酸可以解渴士卒聞之口皆出水乘此得及前源陳暄食梅賦魏無林而止渴范留

同姓同業尚或希拔茹之征

韓文送何堅序何與韓同姓而

欽定四庫全書

卷一

近堅以進士舉於吾為同業同姓而近也同業也於其
不得願而歸其可以無言耶易拔茅連茹以其彙征吉
茹如倨切茅根也又
人余切相牽引貌

見李提刑

至○至燾之子
夔路提點刑獄

系成紀之望敢論繼別之宗

李廣傳廣隴西成紀人也
地理志注隴即隴山此郡

在隴之西故曰隴西成紀縣在天水郡禮記別子為祖
繼別為宗繼禰者為小宗疏別子為祖者謂諸侯適子
之弟別於正嫡故稱別子也為祖者別與後世為始祖
謂此別子子孫為卿大夫立此別子為始祖繼別為宗
者謂別子之世世長子恒繼別
子與族人為百世不遷之大宗
受月湖之知抑有同門
之契
月湖謂何異宋史何異字同叔撫州崇仁人紹興
二十四年進士歷官刑部侍郎權工部尚書知泉

州致仕異高自標置有詩名所著月湖集行世假道得見賢之便脩辭為執執

之先恭惟某官一世儒宗

匡衡孔光傳贊自漢武興學公孫弘以儒相其後蔡義章

賢玄成匡衡張禹翟方進孔光平當馬宮及當子晏咸以儒宗居宰相位禮樂志叔孫通將制定禮儀見非于齊魯之士然卒為漢儒宗業垂後世蕭望之傳贊望之堂堂折而不撓身為儒宗輔佐之能近古社稷臣也翟方進傳贊方進以孤童身為儒宗致位宰相五行志景武之世董仲舒治公羊春秋始推陰陽為儒者宗續漢書盧植名著海內學為儒宗師丹傳唐林上疏曰丹經為世儒宗德為國黃耆後漢周舉傳博物洽聞為儒者所宗鄭玄傳經傳治熟稱為純儒齊魯間宗之賈逵傳謝鄭賈之學行乎數百年中遂為諸儒宗晉書賀循傳朝廷疑滯皆諮之於循循輒依經而對為當世儒宗晉書儒林傳贊范平等學府儒宗譽隆望重晉書鄭冲傳

以儒宗
登保傳

三朝壽俊

尚書周或者
壽俊在厥服

田里之無愁歎幾森畫

戟之香

循吏傳庶民所以安其田而無歎息愁恨之心
者政平訟理也韋應物詩兵衛森畫戟燕寢凝

清

香原隰之有光華仍揭繡衣之節

武帝紀遣直指使者
暴勝之等衣繡衣杖

斧分部
逐捕

使登表著

左傳朝有著定會有表衣有襜帶有
結會朝之言必聞於表著之位師古

曰朝內列位有定
處所謂表著者也

丕究猷為

尚書有猷
有為有守

豈惟朝廷賴有

德之尊

東坡集士以德望進
則風俗厚而朝廷尊

抑使海內蒙不知之潤

東坡

集餘膏所燭常分無盡之光
蒙霧而行皆獲不知之潤

不謂解彭門之組

彭門山
在成都

路彭州北三十里兩峯對立如闕名天彭門蜀都
賦出彭門之闕杜詩彭門劍閣外號略鼎湖旁

便欲

挂神武之冠

南史隱逸傳陶弘景字通明秣陵人讀書萬餘卷一事不知以為深恥家貧求宰縣

不遂脫朝服挂神武門公卿祖之供帳甚盛宋齊以來未有斯事

正恐蒲輪之迎

武帝紀遣

使者安車蒲輪微乘注蒲輪以蒲裹輪取其安也

難遂橘

穎之隱

幽怪錄巴邛人有橘園霜後諸橘盡收餘二大橘如三斗盎巴人異之剖開每橘有二隻鬚眉

鰐然肌膚紅明皆相對象戲談笑自若一叟曰橘中之樂不減商山但不得深根固蒂為愚人摘下耳詳別見

即觀詔下入對席前

賈誼傳至夜半文帝前席師古曰漸促近誼聽說其言也

某久

於傾心方此望履

莊子邱得幸於季願望履幕下注言視不敢望其面望履結而還也

雖

吾宗之老孫子未知所裁

杜詩吾宗老孫子質朴古人

然是邦之賢

大夫或與之進

上梁運使

綸

手捫參井冒希入幕之賓

李白蜀道難捫參歷井仰脅息郝超傳桓溫懷不軌欲立

霸王之基超為之謀謝安與王坦之嘗詣溫論事溫令超帳中臥聽之風動帳開安笑曰郝生可謂入幕之賓

矣

身近斗牛喜見乘槎之使

詳見趙茶馬條

竊循禮例再具贊

緘伏念某不自力田

列女傳力田不如逢年

乃謀耕祿長風引去

固應違汗漫之期

史記及到三神山反居水下風輒引去終莫能至餘見前

平地尚

多亦可逐侏儒之俸

白樂天詩更無平地堪行處虛受朱輪五馬恩東方朔傳侏儒長三

尺餘俸一囊粟
錢二百五十

必欲勇乘濫預之象

濫預歌濫預大如馬瞿塘不可下濫

瀕大如象瞿
塘不可上

幾何不餒巫峽之魚

餒弩罪切說文飢也五經文字云今經典

相承以此為餒飼之
餒別作餒為飢餓字

百丈牽江失勢頓成於千丈

南史朱超

石傳宋武北伐起石前鋒入河軍人緣河南岸牽百丈
有漂渡北岸者杜詩百丈內江船又百丈誰家上瀕船
又吳檣楚艦牽百丈又百丈牽江色注百丈牽船索也
連竹為之周公謹癸辛雜志云鍾會呼捉船索為百丈
趙氏注云百丈者牽船筏內地謂之彈平聲
韓詩躋攀分寸不可上失勢一落千丈強

萬夫拱手

納溝知恥於匹夫不自意全

吳王濞傳吾乘傳至此不自意全

僅以身

免

史記樂毅傳齊王遁而走莒僅以身免

汨俱其出粗見平生忠信之功

莊子與齊俱入與汨偕出郭象注磨翁而旋入者齊也
回伏而湧出者汨也列子孔子自衛反魯息駕乎河梁
而觀焉有懸水三十丈圓流九十里有一丈夫方將厲
之孔子使人竝涯止之丈夫不以錯意遂度而出孔子
問之曰巧乎有道術乎丈夫對曰始吾之入也先以忠
信及吾之出也又從以忠信忠信錯吾軀於波流而吾
不敢用私所以能入而復出也孔子謂弟子曰二三子
識之水猶可以忠信誠身親之而況人乎宋唐子西謫
官渡淮中流風作舟欲覆作詩曰聖宋非狂楚清淮異
汨羅平生仗忠信今日任風波高適詩忠信涉波濤
痛定而思可為行險僥倖之戒

韓文今而思之如痛定
之人思當痛之時不知

何能自
處也

召驚魂而復幹

柳文收召魂魄駱賓王詩萬行
流別淚九折切驚魂東坡集收

驚魂於散亡假餘生之晷刻又隻影自憐命寄江湖之
上驚魂未定夢遊縲紲之中幹體也宋玉招魂乃下招

曰魂兮來歸去君之恒幹何為乎四方些魏詠之傳庸神而宅偉幹韓詩子雖軀幹小老氣橫九州企英

節以脩容

漢書夜企而望歸注企謂舉足而竦身周禮掌節以英蕩輔之注謂為玉器盛節餘見前

營吻無奇

周禮注吻口腭也韓文每營度欲出口吻聲鳴益悲操筆欲書將下復止竟亦不能奇也

汗顏有覲

韓文血指汗顏詩有覲面目疏覲面見人之貌徐氏曰凡人所瞻視心實見之故有識別

無恥之人面見之而已心實否也國語雖覲然人面哉實禽獸也陳子昂集顧揣涯分實覲心顏恭惟

某官盛名如畫和氣猶春四牡勤原隰之咨三鑽巴火

杜詩九鑽巴嘿火神仙傳藥巴為尚書正朝大會巴後到又飲酒西南啖之詔問謝曰臣本縣成都市失火臣故因酒為雨以滅之後驛書問成都果然正旦失火萬牛回邱山之重共託蘇天

杜詩萬牛回首邱山重人但知河內借寇之情寇恂傳建武二年拜潁川太守七年

代朱浮為執金吾明年從車駕擊隗囂而潁川盜起帝引軍還謂恂曰潁川迫近京師當以時定惟念獨卿能平之耳恂對曰潁川輕剽聞陛下有事隴蜀故狂狡乘間相誑誤耳如聞乘輿南向賊必惶怖歸死即日車駕南征恂從至潁川盜賊悉降而竟不拜郡百姓遮道誰曰願從陛下復借寇君一年乃留恂長社鎮撫吏人誰能識關中留蕭之意杜詩關中既留蕭丞邊陲既靜定

稱幕下之冰壺韋應物詩文苑臺中妙冰壺幕下清吏道當澄尚託胷中

之水鏡山谷詩塞上金湯惟粟粒胷中水鏡是人材詳見前上曾運使條特恐魚鳧之

國揚雄蜀本紀蜀始王曰蠶叢次曰伯庸次曰魚鳧難稽龍馬之圖青箱雜記本朝太宗

御書及典籍圖畫寶瑞之物竝藏於龍圖閣按宋太祖英宗無集不為閣太中祥符初以太宗以武定并汾以文致太平聖謨寶訓與河圖洛書相表裏建龍圖閣以藏太宗御書閣在舍光殿西偏北連禁中東曰資政殿西曰述古殿上藏太宗御製御書并文集總五千一百一十五卷軸冊景德元年閣成以戚綸杜鎬兼待制

會當紀日月之常

劉熙釋名日月為常畫日月於其端天子所建言常明也尚書厥有成績

紀於太常亟入聽星辰之履

鄭崇傳崇為尚書僕射數求見諫諍上初納用每見曳革履上

笑曰我識鄭尚書履聲杜詩聽履上星辰

尚念某不辭險道

太白蜀道難其險也如此嗟爾

遠道之人胡為乎來哉

求備走趨

韓文佩玉長裾不利走趨

使臣之載馳載驅

或小留於芥繡

詩載馳驅周爰咨諏雋不疑傳暴勝之為直指使者衣繡衣持芥

辟客

之且喜且懼尚迄託於幘幘之下

後漢書太原閔仲叔者世稱節士建武中應司徒侯

霸之辟既至霸不及政事勞苦而已仲叔恨曰始蒙嘉命且喜且懼今見明公喜懼皆去以仲叔為不足問邪不當辟也辟而不問是失人也遂辭出投劾而去

代上安撫

詳啓意似上衛涇者蓋涇自華亭徙居崑山中淳熙十一年狀元後黃由一科

啓云應西山之石移果崑岡之玉出是也時涇為湖南帥

去民畝而就吏夙歸坏冶之中

韓文送牛堪序去民畝而就吏祿由是為卿相

者常常有之崔駟傳坏冶一陶羣生得理

聞仁政而受

坏鋪枚切瓦未燒郭璞爾雅注鎔物之治

屨今在幘幘之下

法言震風凌雨然後知屨屋之為幘幘也

久斃斃而在疚

詩苑苑在疾左傳苑苑余在疾傳咸傳斬然在疾難僕
苑葵營切或作惇憂也通作嫫獨也疾音救病也

僕而望塵

潘岳傳與石崇等諂事賈謚每候其出輒望塵而拜

逮茲祥除

禮記菴而小祥

又菴而大祥皆祭名去凶即吉之義

敢以贊謁恭惟某官直方而大

易坤六二

直方大不習死不利

智勇且仁應西山之石移

宋郭象睽車志平江俚俗舊傳識記

云潮過唯亭出狀元又云西山石移狀元南歸淳熙庚子三月二十二日吳縣穹窿山大石自麓移立山半石所經草木皆壓藉宛然行迹可驗其秋八月十八日海潮大至過唯亭環城而西穹窿在城西唯亭距城東北四十五里明年省試平江歲貢者盡下唯黃由以國學解中選未廷試皆傳黃由魁天下已而唱名果然由字子由平江人按黃由宋孝宗淳熙八年狀元衛涇十一年狀元庚子為淳熙七年二人聯魁蓋應石移之兆

果崑岡之玉出

尚書火炎崑岡玉石俱焚呂氏春秋人不愛崑山之玉江漢之珠而愛已之蒼

壁小璣淮南子崑崙山中有珠樹玉樹鹽鐵論崑山之旁以玉璞抵烏鵲

識其小者數虎榜

之十年

歐陽詹傳詹與韓愈李觀崔羣玉王涯聯第進士時號龍虎榜宋張唐卿題壁詩一舉首登龍

虎榜十年身到鳳凰池詳別見

誰其似之扛龍文之百斛

韓詩龍文百斛鼎筆力可

獨扛付榮進於素定

見上曾樞密條

屢勇退於急流

郇氏見聞錄錢若水為舉

子時見陳希夷於華山希夷曰明日當早來如期往見有一老僧與希夷擁地爐坐熟視若水久之不語以火箸畫灰作做不得三字徐曰急流勇退人也若水

怡然

野水之孤舟

見上李侍郎條

屹若頽波之砥柱

劉禹錫詩世道劇頽波我心如

砥柱山谷詩砥柱閱於皇更化詩於皇武王陸機詩
頽波又頽波閱砥柱於皇聖世時文維晉副

帝登庸

尚書疇咨若時登庸宋史開禧三年以衛涇參知政事

彌綸兩社之間

易繫

辭易與天地準故能彌綸天地之道餘見上鄭參政條

弼亮萬幾之務

尚書弼亮四世又一

日二日萬幾疏一日二日之間有萬種幾微之事

騰身跨汗漫豈料羣兒之愚

韓詩李杜文章在光燄萬丈長不知羣兒愚那用故謗傷又騰身跨汗漫不著織女襄宋史嘉定元年六月衛

涇濯足歌滄浪少整衆人之醉

屈原漁父篇舉世皆濁何不掘其泥而揚其波

衆人皆醉何不補其糟而歆其醕乃歌曰滄浪之水清兮可以濯吾纓滄浪之水濁兮可以濯吾足假泰

階六符之照

東方朔傳陳泰階六符注泰階三台也每二星凡六星符六星之符驗也黃帝泰

階六符經曰泰階者天之三階上階為天子中階為諸侯公卿大夫下階為士庶人上階上星為男主下星為女主中階上星為諸侯三公下星為卿大夫下階上星為元士下星為庶人

措長沙千里之

平韓詩長沙千里平勝地猶在險況當江濶處斗起勢匪漸

少留蔽芾之甘棠

詩蔽

棠勿剪勿伐召伯所茇毛庸展切磋之淇澳

詩序淇澳

德也有文章又能聽其規諫以禮自防故能入相於周美而作是詩也此以入相期衛且用當家故事故知此

啓上公歸無所即有衮衣繡裳之詩

詩九罏之魚鱗魴我覲之子衮衣繡

裳鴻飛遵渚公歸無所於汝信處箋云王迎周公當以上公之服往見之時東都之人欲周公留不去故曉之云公西歸而無所居則可就汝誠處是東都也今公當歸復其位不得留也

我儀圖之請繼

濃墨大字之頌

石介慶歷聖德頌序古者一雲氣之祥一草木之異一蹄角之怪一羽毛之瑞

當時羣臣猶且濃墨大字金頭鈿軸以稱述頌美時君功德餘見前

伏念某名在屬籍

史記

商鞅定法宗室非軍功不得為屬籍文帝紀復諸劉有屬籍家無所與

實則寒儒朝薤暮

鹽長兀窮年之燈火

韓文太學十年朝薤暮鹽焚膏油以繼晷恒兀兀以窮年

夏弦

春誦恐孤傳世之詩書

禮記春誦夏弦太師詔之注誦謂歌樂也弦謂以絲播詩陽用

事則學之以聲陰用事則學之以事因時順氣於功易成也

方小丈夫偕計之時

武帝

紀徵吏民有明當世之務習先聖之術者縣次續食令與計偕注計者上計簿使也郡國每歲遣詣京師上之偕者俱也令所徵之人與上計者俱來而縣次給之食

適大參政登朝之日對硯

中龍蛇之影遙識璇魁

夏竦詩殿上衮衣明日月硯中旗影動龍蛇春秋運斗樞斗第

一天樞第二璇第三璣第四權第五衡第六開陽第七搖光第一至第四為魁第五至第七為標合而為斗

接天邊鴻鴈之行偶聯金榜

禮記兄弟之齒鴈行杜詩卿家兄弟功名震麒麟閣

畫鴻鴈行劉禹錫詩焚煌仰金榜錯落飛濡翰

所恨拘貴賤之分末由觀道德

於前

韓文觀道德於前後聽教誨於左右

天惠仁侯

韓文今天幸惠仁侯

曉行湘水

杜詩夜醉長沙酒曉行湘水春

赤鳥几几雖嘗再拜於車塵

詩公孫碩膚赤鳥几

几疏周公遜避成功之大美為太師履其赤鳥其鳥之飾几几然

素冠樂樂何敢數干

於閭吏

詩庶見素冠兮棘人樂樂兮勞心博博兮注素冠練冠也既祥之冠棘急也樂樂瘠貌

賴

廩人之繼粟活孝子於寢苦

苦說文蓋也韻會凶服者以為覆席禮記居倚廬寢

苦枕塊不脫經帶又寢苦枕塊哀親之在土也

幸周踰月之期

禮記魯人有朝祥而暮歌者孔

子曰又多乎哉踰月則其善也

敢廢披雲之敬

謝廣傳贊樂令披雲高天澄澈

十年不

調或欲為再命之圖

張釋之傳以貴為騎郎事文帝十年不得調亡所知名周禮大

宗伯以九儀之命正邦國之位一命受職再命受服

一氣轉鈞願更使匹夫之獲

杜詩八荒開壽域一氣轉鴻鈞

代見丞相

代朱提幹○提幹見本門

齒塵埃之下吏風感大恩

廣韻齒錄也禮記終身不齒注猶錄也增韻列也左傳不

敢與諸任齒韓文齒下士於朝又判
司卑官不堪說未免捶楚塵埃間

拜雲漢之上台輒

裁小積

詩倬彼雲漢昭回於天箋雲漢謂天河也三台
星名上台司命為太尉中台司中為司徒下台

司祿為司空莊子小夫
之知不離苞苴竿積

戴德有邱山之重

柳詩邱山
仰德耀

脩

辭無月露之工

李諤傳連篇累牘
不出月露之形

斐然搖毫

毫筆也廣
志云漢諸

郡獻免毫書鴻門題唯趙國毫中用西京雜記天子筆
管以錯寶為跗毛皆以秋兔之毫曹植長歌行筆出狡
兔之毫韓詩搖
毫擲簡自不供

滂若流汗

吳質書申之再三赧然汗
下韓文蹙然汗出以慙

伏

念某妄庸晚進

高五王傳灌嬰聞魏勃教齊王反責問
勃勃曰失火之家豈暇先言丈人後救

火乎因退立股戰而慄灌將軍熟
視笑曰人謂魏勃勇妄庸人耳

艱苦早孤念昔先人

固嘗拜龍虎之榜

見上

不腆後嗣何敢吐蝸蚓之科

公

傳不腆先君之服不腆先君之器左傳不腆敝邑之禮又書而不法後嗣何觀新唐書選舉志取士試之小道而不以遠大是猶以蝸蚓之餌垂海而望吞舟之魚然不亦難乎所以食垂餌者皆小魚就科目者皆小藝

徒用外家之恩

王符傳安定俗鄙庶孽而符無外家為鄉人所賤南史到洽傳父坦以洽無外

家乃求娶於羊

始得塵下士之列

爾雅塵久也注塵垢稽久也晉書蔡謨傳

豈惟微臣其亡之誠實招聖朝惟塵之譏塞素餐之責

頂踵實歸於陶

鑄

任昉彈文自頂至踵功歸造化

肺肝嘗切於鏤銘甘辭曹掾之優

蓋

傳歷郡列掾州從事注古者三公下至郡縣皆有掾屬續漢志建武十八年立刺史十三人人主一州皆有從

事史假佐每郡

聊適步兵之隱

阮籍傳聞步兵廚營人善釀有貯酒三百斛乃

求為步兵校尉遺落世事雖去

佐職恒游府內朝宴必與焉

經禮三百亦嘗偕計吏

之行進士五千獨未中太常之第

儒林傳其高第可以為郎中太常籍奏後

漢書伏恭傳太常試經第一拜博士

猶蒙藏疾

左傳川澤納汙

山藪藏疾瑾瑜匿瑕

獲遂養病

病音阿說文病也高彪傳養病傲士謝靈運詩

養病邱園中又臥病對空

侵尋二考之書

漢武帝紀巡郡縣侵尋泰

林山谷詩丈人養病臥

山矣郊祀志作浸尋注浸漸也

獲落再命之計

莊子鉢落無所

尋就也王安石詩湖海老浸尋

容注鉢音護鉢落猶廓

落也杜詩居然成獲落

然念長伯樂之廐苟不自鳴

文韓

以某在公之宇下而又辱居姻婭之後縱或抱和氏之

珍誰其見賞

淮南子隋侯之珠和氏之璧得之者富失之者貧

敢伸九頓首之

請

左傳申包胥如秦乞師公為之賦無衣九頓首而坐秦師乃出

併祈一轉手之仁

韓文

庸詎知有力者不哀其窮而忘一舉手一投足之勞而轉之清波乎

恭惟某官直大以方

見

清和而任時則有若伊陟實繼阿衡之覺先

尚書在太甲時

則有若保衡在太戊時則有若伊陟臣扈

公其惟時成周足邁伯禽之拜後

尚書公其惟時成周建無窮之基公羊傳封魯公為周公也周公拜乎前魯公拜乎後注始受封父子俱拜文

王廟明以周公之功封魯公也史彌遠浩之子亦封魯公此啓蓋上彌遠積十六載更弦之

化

董仲舒傳竊譬之琴瑟不調甚者必解而更張之乃可鼓也為政而不行甚者必變而更化之乃可理也

收七十城馮軾之功

鄺食其傳馮軾下齊七十餘城注馮讀曰憑據也言但安坐乘車而

游說蒯通傳鄺生一士伏軾掉三寸舌下齊七十餘城宋史彌遠遣使詣金求和金人以大散隔牙二關濠州

來營東幽西煩整頓乾坤之手

列子東行至營人民猶是也問營之東復猶營

也西行至幽人民猶是也問幽之西復猶幽也杜詩整頓乾坤濟時了

燕南越北知扶持

宗社之心

王允傳故得扶持王室於危亂之中李固傳論至矣哉社稷之心乎

方將恢萬

世之基益廣開衆正之路

劉向傳杜閉羣枉之路門廣開衆正之路

有如門

下桃李之數

唐狄仁傑薦張柬之為相又薦夏官侍郎姚崇監察御史桓彥範太平州刺史敬暉

數人率為名臣或謂仁傑曰天下桃李盡在公門仁傑曰薦賢為國非為私也韻會小補云世稱薦用人士謂之桃李謂起自狄梁公然唐詩已有滿門桃李屬春官之句劉向說苑陽虎得罪於衛北見簡子曰自今以來不復樹人矣簡子曰唯賢者為能報恩不肖者不能夫樹桃李者夏得其休息秋得其實焉樹蒺藜者夏不得休息秋得其刺焉此其事祖也唐人嘲裴晉公詩破卻千家作一池不栽桃李種薔薇薔薇花落秋風起荆棘滿庭君始知

或堪籠中參朮之儲

元行冲傳謂狄仁傑曰下之事上譬之富

家儲積以自資也脯腊腠腠以供滋膳參朮芝桂以防疾變門下充為味者多矣願以小人充備一藥石仁傑笑曰君正吾藥籠是能容之非敢望也

豫讓傳非所敢望也願布腹心

尚念某難留冰幕

韋應物詩文苑臺中妙冰壺幕下清

盍反糟邱

南史陳暄嗜酒

兄子秀致書於暄友冀以諷諫暄聞與秀書曰昔周伯仁渡江惟三日醒吾不以為少鄭康成一飲三百杯吾不以為多又曰江諮議有言酒猶兵也兵可千日不用不可一日不備酒可千日不飲不可一飲不醉美哉江公可與論酒矣吾平生所願身沒之後題吾墓曰陳故酒徒陳君之神道又云何水部眼不識杯鐺吾不離瓢杓汝寧與何同日而醒與吾同日而醉乎連營糟邱吾將老焉李詩憶昔洛陽董糟邱為余天津橋南造酒樓又此江若變作春酒壘麴便作糟邱臺

一氣之轉鴻鈞儻拜成終之賜萬

間之庇寒士敢忘報國之心

俱見前

代上丞相

代趙催綱謝夫○宋紹興十一年置提舉坑冶司催綱官一員

綴京幕之下寮范無操挾

左思詩英瞻宰衡之上相敬

布依歸

王莽傳拜為宰衡位上公酈炎傳絳灌臨宰衡

惟其恃我公之如昔賢

故敢提孤生而進門下

張霸傳起自孤生致位郡守周榮傳榮江淮孤生

蓋臯

陶之弼舜以翕受為規模

尚書翕受敷施

至伊尹之佐湯以旁

招為事業

尚書旁招俊乂

下至蕭曹丙魏之於漢以及房杜姚

宋之在唐皆因收拾四海之材

說文收拾也廣韻收拾又斂也徐防傳收拾缺

遺建立明經盧植傳宜勅收拾以安遊魂韓文類墮委靡潰爛不可收拾又無人收拾理則那又收拾不可遲

用能輔成一代之治載在信史

公羊傳如爾所不知何春秋之信史也

是

為元勳

梁簡文詩護羌擁漢節校尉立元勳

至如先正越王之忠實開孝

宗隆興之業

史浩傳浩字直翁明州新縣人隆興元年拜尚書右僕射御史王十朋論之出知紹

興自是不召者十二年淳熙初除少保觀文殿大學士五年復為右丞相浩喜薦人才自經筵將告歸乃於小官中進江浙之士十五人皆一時選如薛叔似楊簡陸九淵石宗昭陳謙葉適袁變趙靜之張子智後皆擢用不至通顯者六人而已十年請老除太保致仕封魏國公嘉定十四年進封越王諡忠定張子公服

其汲引之量

宋史張燾字子公饒之德興人宣和八年進士第三人靖康元年坐李綱累貶紹興

二年呂頤浩薦除司勳員外郎遷起居舍人提舉江州太平觀召為兵部侍郎尋權吏部尚書金使至朝議欲上拜金詔燾力爭於是廷臣皆不敢拜時秦檜方主和惟恐少忤敵意出燾知成都府兼本道安撫使在蜀四年西邊不驚乞祠以李璆代之臥家十三年二十五年檜死起燾留守金陵二十九年除吏部尚書三十年致

仕三十一年復知建康府孝宗受禪同知樞密隆興元年遷參知政事以老病不拜固求致仕卒諡忠定燾外和內剛師蜀有惠

沈德和愧其錄用之吉

沈介字德和德清人累官

兵部尚書為荆湖制置使風采獨持金人潛卻其為郡卓有清聲豪猾斂迹

不惟國以得士

而昌亦是家有達賢之後

東坡晁君成詩集序達賢者有後張湯是也達賢而有後

吾是以知蔽賢之無後也黃石公三畧傷賢者殃及三世蔽賢者身當其害達賢者福流子孫嫉賢者其名不

令故國非謂喬木實倚世臣成績紀於太常益光先業

尚書厥有成績紀於太常

恭惟某官忠貫日月

新唐書郭子儀傳贊天寶末盜發幽陵外

阻內訌子儀自朔方提孤兵轉戰逐北誼不還顧當是時天子西走唐祚若贅旒而能輔太子再造王室雖唐

祚方永亦由忠貫日
月神明扶持者哉

誠塞天淵

班固答賓戲聲
盈塞乎天淵

溫乎得

聖人之和毅若任天下之重人見伯禽之拜後依然無

驕士之風

史記魯世家周公戒伯禽曰我文王之子武
王之弟成王之叔父我於天下亦不賤矣然

我一浴三捉髮一飯三吐哺起以待士猶
恐失天下之賢人子之魯慎毋以國驕人誰知孔鯉之

異聞得之自趨庭之日垂紳正笏不動聲色

歐文垂紳
正笏不動

聲色而措天下
於泰山之安

強本折衝自得精神

李尋傳夫本強則
精神折衝本弱則

招殃致凶為
邪謀所陵

齊城既入於地官

春秋定公十年夏齊人
來歸鄆讎龜陰田按宋

史寧宗嘉定元年遣王柟以韓侂冑蘇
師旦首昇金人來歸大散關及濠州

周寶乃歸於天

府

春秋定公八年冬盜竊寶玉大弓九年夏得寶玉大弓周禮天府掌祖廟之守藏與其禁令凡國之玉鎮

大寶器藏焉宋寧宗嘉定十四年京東河北節制使賈涉繳進富勒呼所獻皇帝躬膺天命之寶元符三年御府寶圖一冊鎮江都統翟朝宗以玉檢來上其文若合符契又得受命於天既受永昌玉璽七月丁亥太常奏受璽之禮製寶興法物十一月詔曰朕觀前代宜陽受瑞江寧闡珍猶能洪濟大業今朕曷敢不承閏十二月奏獻宗廟十五年正月御大慶殿設黃麾半仗受玉璽奉安天章閣十六年七月置奉安符寶所建殿以內臣掌之元周密癸辛雜志云恭膺天命之寶真宗初即位所製其後每朝效之易世則藏去靖康之變金人攜玉寶十有四以去而此寶居其二焉其一則哲宗元符三年所製其一欽宗靖康元年所製也及金人內亂南遷玉寶多為蒙古所取當時識者謂此物不宜鋪張故鄭昭先有可予不可賀之論云然且厚根闡

店楔之用

韓文犬木為亲細木為桷構榱侏儒椳闔店楔各得其宜施以成室者匠氏之工也

限戶樞也闔魚列切門限也店亭點切門闢壯也楔音屑門兩傍木也

幾於無毫髮絲粟

之遺

老泉集天下之人毛髮絲粟之才紛紛然而起

是乃傳禹稷之心豈但接

韋平之武

班固敘傳玄成退讓仍世作相平當傳漢興惟韋平父子至宰相

伏念某強

名屬籍

見代上安撫條

本實寒儒既無長吉之文章

李賀傳賀字長吉系

出鄭王後七歲能辭章韓愈皇甫湜始聞不信過其家使賀賦詩援筆輒就如素構其目曰高軒過二人大驚

自是又乏更生之學問

劉向傳向字子政本名更生為有名

誦書傳夜觀星宿或不寐達旦幼年筆硯燈無太喜之花

薛宣傳下至財用筆硯皆

為設方略班超傳安能久事筆硯間乎注研音硯陸繼
機傳君苗見兄文輒欲焚其筆硯杜詩燈花何太喜繼

世簪裳袍已半枯之葉

東坡詩青衫半作霜葉枯

一尉南昌而奚補

梅福傳福字子真為南昌尉一朝棄妻子去九江李詩梅生亦何為來作南昌尉

再丞廣信以

徒勞

韓文再轉而為丞茲邑寰宇記唐上元元年因江淮轉運使元載之請謂廣信川原夔廣關防襟帶

宜置州又謂其信可美也故以名州梁竦傳州縣之職徒勞人耳

雖亦蒙臺府之吹噓

然終厄銓曹之選調茲贅員於冰漕

漕在到切說文水轉穀也王隆小學

篇以水通輸曰漕趙充國傳冰解漕下

實隸役於日畿

類說拾遺帝畿千里象日月徑圍故

曰日

幸逢大匠之鈞陶誰非躍冶

見上曾運使條

正恐無言之

桃李下自成蹊

史記李廣傳贊李將軍俊俊如鄙人口不能道辭及死之日天下知與不知皆

為盡哀彼其忠實心誠信於士大夫也諺曰桃李不言下自成蹊此言雖小可以喻大也敢因三吐

哺之餘

韓文周公之為輔相其急於見賢也方一食三吐其哺方一沐三捉其髮輒伸九頓

首之懇

左傳秦哀公為之賦無衣九頓首而坐無衣三章一章三頓首以謝故云九頓首譬諸

草木安能酬雨露之恩

左傳譬諸草木吾臭味也東坡詩草木盡能酬雨露榮枯安敢

問乾坤

刈為薪芻亦是報乾坤之造

詩翹翹錯薪言刈其楚

代上丞相

代鄭司理○燕翼貽謀錄今之司理參軍五代之馬部軍都虞候判官也以牙

校為之州鎮專殺而司獄事者輕視人命太宗開寶六年詔諸州竝置司寇參軍以新及第九經五

經及選人資序相當者
充之後為司理參軍

觸五嶺之熱叨李椽以終更

漢書張耳傳南有五嶺之
戍注嶺者西自衡山之南

東窮於海一山之限耳而別標名則有五焉裴氏廣州
記云大庾始安臨賀桂陽揭陽是為五嶺鄧德明南康
記五嶺者臺嶺之嶠在大庾騎山之嶠在桂陽都龐之
嶠在九真萌渚之嶠在臨賀越城之嶠在始安杜詩五
嶺皆炎熱宜人獨桂林胡建傳黃帝李法注獄官名師
古曰李者法官之號也古文李與理通管子書大理皆
作李左氏行李行李理竝見於傳李濟翁資暇集謂李為
古文使字改行李為行使誤矣昭帝紀注更有三品謂
卒更踐更過更谷永與
段會宗書終更亟還
企六符之光趨槐庭而執贄

東方

朔傳願陳泰階六符詳見
前周禮面三槐三公位焉

既快鳳凰景星之覩
韓文朝廷之士

引頸東望若景星鳳凰之始見也爭先覩之為快

輒謀烏鵲明月之依

魏武帝短歌行

月明星稀烏鵲南飛遶樹三匝何枝可依明帝步出夏門行躋迫日暮烏鵲南飛遶樹三匝何枝可依

脩

辭斐然犯分愧甚伏念某簪裳隊綬場屋老生

王荆公詩場屋

聲名看出羣管輅傳鄧颺曰此老生之常譚輅答曰夫老生者見不生常譚者見不譚

再鼓而衰

已蹉跎於壯志

左傳一鼓作氣再而衰三而竭廣雅蹉跎失足也杜詩淮海莫蹉跎韓詩嗚呼

吾意其蹉跎

三獻不刖乃塵綴於末科

琴操卞和者楚野民得玉獻懷王使樂正

子占之言玉石以為欺慢斬其一足懷王死子平王立和復獻之平王又以為欺斬其一足平王死子立為荆王和復欲獻之恐復見害乃抱其玉而哭晝夜不止涕盡繼之以血荆王遣使問之於是和隨使獻王王使剖

之中果有玉昌黎答崔立之書其他可否自計已熟足下乃比獻玉者以為必竢工人之剖然後見知於天下雖兩則足不為病僕之玉固未嘗獻而初無進取之狂足固未嘗則足下無為為我戚戚也

粗識簡書之畏

詩王事多艱不遑啓居豈不懷歸畏此簡書毛傳簡書戒命也疏所以不得歸

者畏此簡書

味我自愛桐鄉之句謾試弓刀

朱邑傳我故為桐鄉

吏其民愛我必葬我桐鄉後世子孫奉嘗我不如桐鄉民王介甫封舒國公詩桐鄉山遠復川長紫翠連城碧滿隍今日桐鄉誰愛我當時我自愛桐鄉唐詩大雪滿弓刀單于夜遁逃東坡詩使君夕不坐衙門散弓刀山谷詩昨解弓刀辭大僕又騎從嚴弓刀又卷旗懸弓刀又弓刀陌上望行色

誦人誰送臨賀

之詩往司狴狴

唐楊憑為李夷簡所劾責授臨賀尉姻友無敢送者獨徐晦送至藍田不數日

夷簡請為監察晦曰生平不踐公門公何取而見拔夷簡曰聞君送楊臨賀不顧犯難肯負國乎由是知名晦憑所薦也東坡詩當日無人送臨賀至今有廟祀潮州楊子狴犴使人多禮鄉亭之獄曰犴粗知勿

誤於庶獄

尚書其勿誤於庶獄庶慎

初無可折之片言歲厄閏年良

動故人之念

東坡詩只有黃楊厄閏年宋陸佃埤雅云黃楊木性堅緻歲長一寸閏年倒長一寸

羅願爾雅翼云黃楊歲長一寸遇閏年則否牡丹遇閏年花開輒小

天憐孤迹偶逃新鬼

之羣

左傳吾見新鬼大故鬼小杜詩戰哭多新鬼又新鬼舍冤舊鬼哭東坡詩老去常憂伴新鬼

竊

聞大鈞之無垠

漢書大鈞播物垠北無垠韻會垠地埒也

雖占小善而必錄

韓文占小善者率一錄

譬猶草木雨露無甘苦之分

杜詩雨露之所濡甘苦齊

結雖在江湖潢潦願涓塵之助

潢胡光切說文積水池
潦魯皓切路上流水左

傳潢汙行潦之水服虔曰畜小水謂之潢韓詩潢潦無
根源張衡奏事飛塵增山霧露助海謝朓傳潢汙之水
思朝宗而每竭恭惟某官道先民覺忠結主知司馬遷傳不能
策材力之譽

自結明主

聖朝之相頻頻已過中書十四秋之數

宋

處厚青箱雜記云王文正公旦相真宗僅二十年值四
夷納款海內無事天書薦降祥瑞沓臻而大駕封岱祠
汾皆為儀衛使扈蹕處士魏野獻詩曰聖朝宰相頻頻
出君在中書十四秋西祀東封俱已畢可能來伴赤松
遊

閼宮之詩奕奕方開異姓五百年之封

詩序閼宮頌
僖公能復周

公之字也詩閼宮有恤實實枚枚又新廟奕奕奕奕斯所
作箋閼神也姜嫄神所依故廟曰神宮奕奕奕奕美也舊

傳郭璞識云天目山垂兩乳長龍飛鳳舞到錢塘海門一點巽峯起五百年間異姓王史彌遠封會稽郡王故

云按宋史寧宗嘉定十四年八月賜史彌遠家廟追無封史浩為越王配享孝宗廟廷故有闕宮奕奕之語無

敵知真儒之功

法言魯不用真儒故也如用真儒無敵於天下安得削

可久見賢

人之德

繫辭可久則賢人之德王弼注德業既成則入於形器故以賢人目其德業

問鄧禹

而披輿地蓋將膺萬國之貢珍

鄧禹傳光武至廣阿舍城樓上披輿地圖指示

禹曰天下郡國如是今始乃得其一子前言以吾慮天下不足定何也班固東都賦春王三朝會同漢京天子

受四方之圖籍膺萬國之貢珍

得伊尹以格皇天詎止俘三朶之寶玉

尚書時則有若伊尹格於皇天三朶國名今定陶者相傳為然朶祖叢切或作朶書序夏師敗績湯遂從之遂

伐三朶俘厥寶玉誼伯仲伯作典寶俘取也言夏師既敗走保於三朶其國之寶玉皆輸於三朶湯追之桀走南巢湯於是俘其寶玉以歸按宋史寧宗嘉定十五年正月朔御大慶殿受恭膺天命之寶

惟有邦

有家九德咸事

尚書曰宣三德夙夜浚明有家日嚴祗敬六德亮采有邦翕受敷施九德咸事

則無怠無荒四夷來王

尚書無怠無荒四夷來王

豈以洵故官冗耶

老泉上韓丞相書今洵幸為諸公所知似不甚淺而相公尤為有意至於一官則反遲疑不決者嗟豈天下官以洵故

願善鄭以勸來者

左傳鄭伯如周始朝桓王也王不禮焉周桓公言於王曰

我周之東也晉鄭焉依善鄭以勸來者猶懼不饒況不禮焉鄭不來矣

尚念某固望斗升

之活

見上曾樞密條

亦希尺寸之垂

鄧禹傳光武見禹甚歡謂曰生遠來寧欲仕乎禹曰

不願也但願明公威德加於四海
禹得效其尺寸垂功名於竹帛耳
猶泥在鈞猶金在鎔

是全託一陶之造

董仲舒傳猶泥之在鈞惟甄者之所為猶金之在鎔唯冶者之所鑄崔駰

達旨坯

治一陶若川作舟若旱作雨諒欲遂萬物之宜

尚書若濟巨川

用汝作舟楫若歲大旱用汝作霖雨王陵傳宰相者上佐天子理陰陽順四時下遂萬物之宜外鎮撫四夷諸侯內親附百姓使卿大夫各得任其職也

四六標準卷一